



國家圖書館, NATIONAL CENTRAL LIBRARY, TAIWAN, R.O.C.






	
登記號	009035
類號	
類別	集部別集類
全書	函一〇册


國家圖書館, NATIONAL CENTRAL LIBRARY, TAIWAN, R.O.C.





3462509 v.1

國家圖書館, NATIONAL CENTRAL LIBRARY, TAIWAN, R.O.C.




白雲樓詩集序




士有由衷之好必悉心力而為之以
求快於其心即人之知不知與世俗
之好尚與否皆不能沮而撓焉而後
其業精而可傳也庠友陳古臺子早
負異質治舉子業燁然著聲試有司
每收高等人咸以科第目之乃古臺

國家圖書館, NATIONAL CENTRAL LIBRARY, TAIWAN, R.O.C.



子獨好於為詩雖其晝夜鑽研冥搜
遠討於古無所不窺而皆以資於為
詩其好之酷也凡夷猶郊野携朋命
酌或倚檻臨流感時對物吟諷未嘗
少廢得句則酣嬉顛倒懽呼笑適以
為常積而至于千百其篇可謂富矣
今觀其詩意象超越音奏淒清無復


嫵媚粉澤之習觸物侮世之態殆灑
然自立於塵壒情累之表誠可愛玩
而咏嘆之非好出由衷悉心力而為
之者其能然乎昔唐以詩賦取士士
由之發身今制士不由舉子業則不
得售主司之選雖工於詩賦世亦莫
之賞也文帝於李廣嘗惜其生不遇



時豈古臺子之謂哉然古臺子方揚揚稱得意視儕輩由舉子業取科第若漠然無有未嘗因而少摧其意而好益酷其詩益工一日持其稿詣余再拜請曰公綸平生志業在此先生所知者幸為我評之余讀其詩卒編乃謂曰嗟夫世之得意仕路顯融尊

貴者比比皆是至求所著作可合於古而傳者百不一二矧舉子業為博聲利之媒入仕後不啻芻狗棄之矣吾子背所習而又悉心力以為之也無乃見及此乎古臺子咲而不答遂以余言弁諸其首

萬曆戊寅秋日



白雲樓詩集序

賜進士及第南京禮部尚書前兩京

祭酒學士管理

誥勅會典國史纂修官華峰秦鳴雷


書



白雲樓詩集序


詩之於學者其亦鐘鼎之於器而
蓮芡之於食與古者歌於宗廟朝
廷則擇能言之士使為之而其不
以付者未嘗以為不能國家不以
取士則與閭巷田野之羈人桑婦
行旅之作共為聊抒其鬱過而無

白雲樓詩集序




當於材不材之間若是則謂其為
鐘鼎蓮芡彼利器取飽者所不必
具亦其宜也然世顧有好之者不
憚嘔心裂肝以爭一字之奇甚或
如科舉之可以收聲獵名至大官
富貴者視如飄風浮雲曾不介意
而獨於詩之工否尺磨度琢竭一

生之力而不辭也則何居哉嗜之
多而作者相繼於是其聲於世者
始為格律以立號於其間如制兵
之部曲典樂之節奏森嚴截業相
守而不敢爽雖其構局布武見為
繩飭然以視詩之初所謂鏡象水
月以啗叙幽寄者亦索然遠矣雖




然風木相遭風之緩急則韻自別
水石相搏水之塞滑則響自殊人
情畜於心而隘於咽者有延促向
背舒慘之異則協境殊調格律錯
出其亦出於聲之自然而士欲以
此名世而傳後則亦豈能盡委之
而自伸其一家之言哉至於律格

具以成詠、以成風則占國驗人
者往、以此為興亡壽夭之卜故
聲律之設亦作家之大齋也惟夫
拘孿之士意困思滯而無以自達
取於物者又不足以命奇則格律
始為之桎梏如釋步須杖形具而
神朽嗟乎守格律而不化彙格律




而不軌余嘗求海內詞林二失胥
病有方之士其孰與言天籟之玄
邪乃茲余得同邑玉室陳子陳子
蚤歲意度竣簡學業舉子已翹然
出諸生之上顧其奇氣逸標不能
自抑乃棄去別築室於白雲之麓
杜門綜博以蕪於詩其多至若干

卷余宦還卧龍陽山中陳子持而
詣余曰願得先生弁之一言夫陳
子之作先以格律定準律選諷吟
一不詭於古人久之洽而暢熟而
忘然後跌宕自命率以意匠朝描
風物陶寫喜怒信手所到既不期
合於古人卒未嘗不式程焉而其



風神壯逸以不窮為奇則其自悟
解也韓白之將時或棄部曲而以
捷徑敝騎勝師曠之聽涉於風氣
而不在絲竹余諷陳子之於詩也
其無訾於是邪吾台之詩盛於今
日而陳子乃獨凌厲群品苦而後
工又余獨能知其所以工故為道

其初而序之觀者其以是求焉時
萬曆六年歲在戊寅秋九月吉櫻
寧居士王宗沐書于龍陽山中





白雲樓摘古目錄

天台玉室道人陳公綸次經父

五言古體

第一卷

寧瑕集二十五首

樗全集十八首

第二卷

承蜩集二十五首

滄粟集十六首


第三卷


Faded vertical text columns, likely bleed-through from the reverse side of the page.

白雲樓詩集序

五

國家圖書館, NATIONAL CENTRAL LIBRARY, TAIWAN, R.O.C.





白雲樓摘古目錄

餘霞集十七首

懷古集二十四首

第四卷

紉蘭集二十首

天慵集十九首

通計一百六十四首

萬曆歲在丁丑仲春真賞齋摘刻

白雲樓摘古目錄

白雲樓摘古

類詩乙集一

天台玉室道人

寧瑕集 五言古體二十五首

擬次阮嗣宗詠懷十七首

寒宵耿不寐開軒理素琴出戶望明月清霜露

短衿重岡匿澄景孤煙蔽遙林鴻鴈流哀響悽


然動我心

其二

江臯生杜若西風鴈來翔晨霜木未萎灼灼吐

寒芳清歆阻疇昔千里念不忘踟躕感素節永

白雲樓摘古



白雲樓摘古目錄

餘霞集十七首

懷古集二十四首

第四卷

紉蘭集二十首

天慵集十九首

通計一百六十四首

萬曆歲在丁丑仲春真賞齋摘刻

白雲樓摘古目錄

白雲樓摘古

類詩乙集一

天台玉室道人

寧瑕集 五言古體二十五首

擬次阮嗣宗詠懷十七首

寒宵耿不寐開軒理素琴出戶望明月清霜露

短衿重岡匿澄景孤煙蔽遙林鴻鴈流哀響悽

然動我心

其二

江臯生杜若西風鴈來翔晨霜木未萎灼灼吐

寒芳清歛阻疇昔千里念不忘踟躕感素節永

白雲樓摘古

夕九迴腸攬衣復起坐延佇臨曲房雖無橫笛
美所思在山陽妍華歲將歇能不重煩傷

其三

昔日遊南園春風笑桃李豈不戀繁華炎蒸尋
復始衰謝迎飛霜不如樹梓杞匠石詎相求空
山沒遺趾置身層巒誰爲獻天子物理安可
推歎息何能已

其四


清晨登海嶠引領望首陽玄雲渺何許落日曜
餘光人世屢代謝卉木零寒霜獨有山中薇千
載猶含芳結心擬長往行露濡我裳願逐北歸
鴈問關將遠翔若人儼未逝夢寐詎相忘

其五

車馬何閑閑白日長安道頽光迅飄蓬芳華豈
長保朝雨泣蘂蘭夕煙栖蔓艸願盼青樓人顏
色忽衰老寄言諸貴遊勿戀金貂好

其六

中歲謝塵莽寢跡寄巖阿梧桐結高蔭鳳鳥何
時過棲遲歲云暮行樂苦未多迢迢向良夜牛
女隔天河佳期寧易得翹首空咨嗟



深夜星漸稀孤燈照空帷涼氣襲庭樹蟋蟀鳴
何悲芙蓉已摧折采采將遺誰賴有歲寒節芳
菊媚朝暉相知隔萬里携手會同歸

其八

歷歷空山道漫漫長夜歌高松女蘿繫中庭鳥
雀過志士營遠業歲月易蹉跎太行懸紫極崑
崙接黃河驅車行復至勿憂岐路多日夕西北
望浮雲當柰何

其九


結髮好遠遊十九常在外鷹隼摩天雲山河申
礪帶竒策亦何施人生在良會功多竟危身名
高或罹害江湖繒弋多黃鵠將焉賴

其十

終夜撫角枕夢經南陽岑中有避世士抱膝向
幽林忼慨憶梁甫哀吟淚霑襟長風動蕭颯白
日忽以陰孤憤感異氣萬籟各商音既覺不復
寐鳴琴陶我心

其十一

交游盛良友同歌伐木詩壯年惜離別青雲結



遠期臨觴不能飲惆悵遲所思明月入我戶今
夕復何時命駕待明發千里從所之願存金石
志毋為薄俗嗤

其十二

鬱鬱薊門樹北眺限河梁日暮浮雲合丹闕隱
微茫猛獸踞中路鴻鴈畏高翔美人重我念晨
夕勞相望豈不能獨往短褐被繁霜恍惚見夢
寐展轉徒內傷風雲若飄忽會合寧有常寸心
差足慰寄訊在瑤章

其十三

芳華安久據長晝陰忽移盛歲易遲暮遠道何
逶迤越鳥望林止胡馬隨風馳小大各有企冀
情祇自知咫尺心難合何況遠別離

其十四

深秋木葉下高岡獨振衣遠水鴈不度寒莎蛩
相依達人恒委化節士抱長饑歌聲裂金石山
水能忘歸五鼎亦偶爾飯牛焉足悲坐傷芳艸
歎目送孤雲飛啾啾戀群鳥日夕猶未歸

其十五

朝出城東門送別遠行者垂楊江上亭蕭蕭感



鳴馬長路多風塵落日迷廣野揮杯申徃情執
手淚俱下鄙心託素絃綢繆願爲寫

其十六

古人不復作大雅垂始音風流銷歇久羅綺俱
雲沉末習背真性徃帙誠驕淫翡翠憂密網麀
麻思長林俛仰寡儔侶脉脉千載心

其十七


遲遲春日麗江上多芳林結駟冶遊子徃來何
駸駸柔枝拂長袖黃鳥弄春心獨有羈懷客仰
望淚淫淫神僊亦可學方壺亦可尋搔首縈積

抱弱質懼難禁

白馬篇

白馬紫絲韁驕嘶向洛陽春風吹綺陌蹀躞落
花香脫身袂斜子繫籍羽林郎玉具接彫虎珠
丸墜飛鶴指頤不停盼輕捷如龍翔昔過長安
俠新狎邯鄲倡千金祇一擲四坐自生光日暮
黃雲起烽火明邊疆結騎出長樂並驅度朔方
生擒呼延將手斬樓蘭王凱歌報明主重上萬
壽觴封侯詎足貴母忝在戎行

步出城東門



步出城東門歷歷度荒村野艸霜半折溪流寒
不渾白煙塞古道落日號孤猿顧視昔人塚纍
纍多高原塚上無短碣老木根尚存躊躇空嘆
息無人識子孫生時不樹德徒快飽與溫終爲
冥冥客獨嘯空山魂吁嗟世上人明規慎勿謏
良圖在不朽富貴何足言

門有車馬客

門有車馬客云從萬里歸鬢髮驚忽改塵土浣
行衣相見問勞苦淚落不可揮始言世態變中
歎人情非作客歲屢易所願終復違聞關返


里萬死徒歔歔親友半彫落妻子受長飢天意
竟未測且卧江上扉呼兒沽美酒對酌情依依
杯傾日已暮仰羨鴻鴈飛

江南曲

江南多白蘋春水渺無津日落汀洲樹獨行不
見人鷺鷥照虛影蕩漾難相親鯉魚沉水底舍
情誰復陳昔別花成錦今來艸似茵莫言江南
好愁殺江南春

美女篇

美女都且妍少小出幽燕清歌集寶騎妙舞歷



瓊筵流眄曜光彩相逢誰不憐命意青瑤佩傳
情白雪篇潔身事君子百年無棄捐詎云妾薄
命中道垂听天王臺闇夜月香閣埋晨煙坐傷
顏色暮羞對芳樹鮮芳樹有時悴妾心魚復遷
流光等飛電頽齡同逝川每惜舊時寵中夜鳴
商絃

游俠篇


宿昔好游俠過從五陵中酣歌擊寶劍義氣生
悲風折節事弓馬奮身誓從戎風塵出鷗隼大
漢收英雄朝擒漠北將暮受江南封天子賜顏
色入奏明光宮回視流俗輩曲謹皆允庸何必
守章句攝衣稱固窮

班婕妤

婕妤辭漢輦屈節念恩光月華疑玉陛風葉下
銀床愁將舊紈扇獨掩曉幃霜商歌聲未歇思
續栢梁章

銅雀伎

高臺懸極眺苑樹隱清川長袖垂珠箔繁絲斷
綺筵行雲空結態落日詎能延西陵無朽骨紅
淚不及泉



楞全集 五言古體十八首

擬次張景陽雜詩十首

水風揚夕波月照光不濁孤坐澄素心中宵依
短燭縱橫古人書恃以慰幽獨同襟貌丰容清
霜表古木忽念江南春延緣芳杜綠展轉天涯
思被褐卧空屋采采將遠遺援琴寫衷曲

其二

整駕念遠游風塵阻川陸白日匿西林徙坐娛
脩竹煙暝江外山露棲階下菊歲杪淑氣迴天
寒群卉肅芳蕤懷舊榮江梅吐清馥容與俯前


楹浮雲迷遠目延佇同心人歲寒聊共勗

其三

結交枉時彥促膝訂前期中路懼歌側物態悲
染絲良時屢遷易蔓艸秋露滋頽光委迴磴索
君煩羈思席門敞清晝繁苔淹履綦傾蓋意莫
逆久要成德基咄嗟二三子秉行勿趨時

其四

清流羅石門白雲亘長谷極眺驚遐心反逕傷
馬足虛簷抗遠空孤岫冠蘿木日暮動悲風霜
繁葉似束百憂萃孤身坐悵時運促行藏決未



自雲樓撰書
能擬就君平卜

其五

宿昔寡遠籌寄身滯東越坎壈入窮年世慮改
華髮安漢願已違却秦策空設郢歌無知音偃
仰空山月沉憂憶美人天末成曠別調笑戀芳
時參商踰令節佳期自昔難宴居在明察

其六


鷓舉暮空迴龍蟠寒水深巢居絕幽澗枉策寡
追尋返照舍複嶺層煙翳荒林鳥散群籟寂薄
暝青猿吟尚耽飲流志猶銳抱璞心投足昧所

適夙駕戒危岑九折未爲險平陸藏崎嶇峯驅馳
繫長願萬里始自今

其七

崇丘紆曲步引眺向層城藹藹陰氣集遙心繞
飛旌樹隱橫江綠鴻流極塞聲志士厲遠策慷慨
慨念長征腰鳴玉具劍綠邊歷障亭燕領騁絕
域間關慕請纓致身術非一白首哂窮經荀卿
嘗學武子房喜談兵時事難預計何必戀欄楹
風雲祗偶合永垂竹素名

其八



世網脫羈束娛心水石間憤俗在好直忤人恒
惡圓簪纓不被體卒歲守廬園激流綠曲澗藉
艸面南山鴻鴈度溟渤晨夕懷幽燕群物各有
戀感節徒悽然

其九

行經綠篠逕坐憇蒼梧陰遠水日澄色空谷雲
增深橫笛起回淑柶翻喧層岑陰風儵以至江
雨驟疑霖撫檻輟遐矚登閣快清吟徘徊襟袖
濕寒葉動蕭森歌壁垂晚靄懸澗奏琴音投暗
率縈抱寡念易處心升高感龍逝窺深媿淵沈

出處稟玄默清醕對芳林

其十

高會傾貂貴芳筵雜中庭雄談壓廣座新聲辨
繡屏嘉穀積崇岳瑤卮挹重溟既醉紛揖讓起
坐祝千齡雖殫人世樂歎息非故情抗顏薄軒
蓋飲水羞金莖幽芳展輕綺園禽流春聲習侈
竟隳德班荆貴忘形玄言發蘭蕙清詩枉琳瓊
永懷同介石夕惕期松貞久厲原思恥方辭季
布名廷尉亦鮮淺結襪重王生

中夜歎

騏驎志千里鯤鵬知滄溟仰首踞曲折悅身波
濤傾偪仄傷意氣中夜胡自寧撫枕忽歎息無
人測中情鷄鳴思整駕踟躕戒未明嚴霜肅艸
木浙浙悲風鳴小星下濁水孤影涵空庭披衣
獨延佇晨鳥起高城

征婦怨


君作萬里遊妾抱萬里愁君行會當至妾心何
時休青樓昨夜夢從君到隴頭隴水聲嗚咽妾
淚隨水流回頭忽不見片月玉關秋

月下懷

寒月吐高城澗淥似積雪樹影仄初迷遙峰橫
乍滅忽聞隣笛聲因念故人別坐待芳歲零尺
書久亦絕對酒慰我懷愁深不忍啜人生會面
難何況屆嘉節嘉節不復來遙心空欲結將安
寄所思隴梅寒可折

登後岡眺江上作

緩步迂崇岡高松下層影引矚逞遐心曠望際
澄景大江自東來中流束孤嶺煙銷岬若移鷗
逝浪初靜暮色趣迴蓬返照斂萬井傍林風葉
鳴夕露侵衣冷塵囂徒泥人默坐意有省長嘯



下山遲明發問箕頽

渡川西尋龍潭山寺


理檝始涉江抱策復西驚沿洄環城流窳窳經
林路荒樾明春暘野渚翳晨霧峰連蔽遐窺石
聚妨直步望寺釋冥心依門快真悟因詮白業
宗輒起青蓮慕階鵲响夕風潭龍佇時澍木客
賡樵吟村毗試農務已愜臨流情更展登高賦
握手憶道林跂足望玄度孤懷絕詎追芳跡倏
非故即期謝囂煩就此但高卧

首春山栖集諸客

首春入舊林晨風發陽竅冰澗落清音雪塢流
素耀同襟欣復來虛亭共舒嘯王粲既美才吳
質亦殊調挹璞各不售拂衣事遊睡尊傾遺煩
憂縱言啓微妙千峰繞寒城遠水引飛棹群芳
漸日肥翺翔供弋釣結心量易酬末俗事安料
忽聞栖鳥鳴落日隱西嶠昏煙巖際開江月復
來照清歛符自然勞生哂荷蓀

芳樹曲

芳樹含芳姿窈窕媚房曲綺日暎丹櫳香飈歌
碧玉鶯嘯露未晞鳳下煙初沐凝眸歲復殘轉



念流光速

蛾眉嘆

青閨有蛾眉攬鏡嘆芳時春風不相待空留鬢
絲在鬢絲壓寶釵照影亦妍華顏色雖非故猶
能工織素織素日成端堪持禦歲寒寄言謝君
子論功勿論齒

白雲樓摘古

白雲樓摘古

類詩乙集二

天台玉室道人

承調集


五言古體二十五首

擬陶飲酒二十首

余索居不怡值秋風初厲時有家醞
向夕輒飲用慰懷抱每每至醉醉必
浩歌遂及陶詩漫擬飲酒諸篇盡依
其韻屬友生錄之聊以自娛云爾

其一

偃蹇違世緣飭駕將安之清風翼庭柯值此涼



念流光速

蛾眉嘆

青閨有蛾眉攬鏡嘆芳時春風不相待空留鬢
絲在鬢絲壓寶釵照影亦妍華顏色雖非故猶
能工織素織素日成端堪持禦歲寒寄言謝君
子論功勿論齒

白雲樓摘古

白雲樓摘古

類詩乙集二

天台玉室道人

承調集


五言古體二十五首

擬陶飲酒二十首

余索居不怡值秋風初厲時有家醞
向夕輒飲用慰懷抱每每至醉醉必
浩歌遂及陶詩漫擬飲酒諸篇盡依
其韻屬友生錄之聊以自娛云爾

其一

偃蹇違世緣飭駕將安之清風翼庭柯值此涼



有
名
種
哲
秋時皎月窺我席壺觴復在茲人生貴適意獨
飲更何疑壺傾兀然醉稚子欣相持

其二

負痾眷虛室日夕望南山守靜以俟命古人重
斯言天運杳難測歲晚懷盛年及今不為樂虛
名徒復傳

其三

舉俗競榮利氓馬喪我情撫已得內照在物皆
浮名緬彼達觀士每每樂其生有酒陶所性了
無外至驚靈光永自固神全道亦成


其四

獨倚衡門策遠睇孤雲飛夜光忽映壁蟋蟀聲
何悲感節自夷猶頽影情依依揮杯接歡話久
客如始歸移床側高蔭榮木欣未衰一醉意已
足百年願無違

其五

白日倏西匿群動截其喧屏居甘獨賤所守一
何偏投策昧前踞偃息在丘山落葉永辭榦逝
川不復還幸勿損志意丁寧遺醉言

其六



自虛稱排古
遠宦計無成高謝意良是耿介誠自娛遺榮諒
無毀偶值涼天時嘯咏聊復爾濁酒繼清歡被
褐代純綺

其七

澄江波浩渺巖際雲英英處物苟無忤超然諧
中情慮遣境逾寂酒至心亦傾涼風起薄暮傍
林栖鳥鳴敢忘當世念暫此悅平生

其八

寄傲在林壑嘗懷綺皓姿孤松挺貞性寒菊無
柔枝感物意不磷潔身恒好奇對酒徒抱歎栖


栖歆何為高步自遺世飄飄脫塵羈

其九

莽莽厭塵垢荆扉常罕開素抱鬱未暢時事徒
傷懷衰榮兩無據勿望運長垂初志良易尋琴
書塞幽栖枉尺殊芳軌處晦且蟠泥執志不復
舍所如會有諧坦坦就其正行行途豈迷千里
一頃刻逸駕誰能回

其十

不惑稀外慕寢迹江城隅躬耕力匪任遐觀滯
脩塗歷落情無競秉戒忘前驅縱身一蹉跌浮



榮止其餘中酒申徃志淹留恥懷居

其十一

逃名誠匪迂沈酣固有道委心返自然喪真祇
易老和澤無停機涼新木漸槁灼灼霜前花徒
逞一時好所以千載人卷心以爲寶覺悟念當
先舉舉萬物表

其十二

回運轉秋序群生戀芳時參差北征燕臨風慨
遠辭開尊懷物遇怡顏賴有茲埋光嗇壽命高
抗世共疑福咎互倚伏遺言良不欺巾車肆遊

邁去去隨所之


其十三

艸屋依巖阿蕭然遠人境孤晷有餘情尊空悵
獨醒夕景凄以清真意復誰領懷哉素心人邈
若在箕穎芳華難久長此理君當炳

其十四

秋山入簷端跂足時一至獲偶平生親傾杯遂
復醉縱言意不羈奇文共詮次情欣已千金何
必趙孟貴向夕風吹衣悠然得至味

其十五



右
一逕沒蒿蓬何如仲蔚宅求羊每獨來門外寡
轍跡相慰惠清言人命難滿百有酒當歡歌幸
及髮未白聞茲意爽然勞生良足惜

其十六

結髮志當世窮居抱遺經一命竟未踐坎壈真
晚成已厭人事苦方悲時態更交游跡久絕灌
木羅中庭流憇每自得忽聞時鳥鳴持觴且復
進悠然暢我情

其十七

在昔稱善飲孟公揚高風掀髯向四座調笑杯


酒中陸沉非自穢鉅材固能通所以高逝士託
志懷傷弓

其十八

達士恒寡求愚者乃患得聞道媿未先荏苒屈
不惑紆轡正徘徊蓬多道中塞哀彼梁伯鸞棲
遲老吳國晨夕湛餘觴清醅抱玄默

其十九

子雲非酒徒始志廼求仕中值世我違逍遙在
守已十年不徙官懷祿誠所恥身辱道不虧卒
歲歸其里景行久彌光芳名著前紀平生獨好



玄乃能識坎止悅仰千載間遺文聊足恃

其二十

黃虞世已遠無人任其真浮靡日以熾何由還
朴淳天道多反覆歲月來方新沮溺果避世百
里羞強秦出處兩非正視彼等將塵景仰拔俗
士服志良已勤處賤歛自足詩書日相親去留
隨所值回車懶問津賦詩每稱飲酒熟漈以巾
餘風尚未沫夢寐在斯人

田居雜作五首

結髮娛田居中歲事遊邁城隅厭塵羈戀靜返


江介夏木敞流泉游鱗牽荇帶濯纓向澄湍延
眸感玄化况值田事初鋤耜日相戒昏煙暖層
林微風動夕籟及暇湛芳尊接膝喜宵話

其二

晨興涼露沾適意陟長阡新苗綠映袖玉鷲墜
迴川眷茲群物麗芳甸被韶鉛返睇江上巘孤
峭雲色鮮倚杖肆高咏幽賞符自然

其三

陰雨或積旦首夏寒氣深崇巒始舍旭榮木閱
垂陰慮釋境俱寂黃鳥獨懷音友生挹策至對



坐理鳴琴曲罷觴復列蒲酌消煩襟因話田里
事共為懷古吟興盡客既去頽然卧幽林

其四

綠蒲冒廣澤水鳥戲其中好雨與風至晚霽天
雲空清漪迴暖色高下土脉融力勤先務畢節
順驗年豐本志託安養艱難意未慵薄暮即歸
路仰首月在東


其五

躬耕諒匪假南陽寄芳績而我亦何為處茲通
晨夕乘時厲往謨既倦偃盤石仰視暮雲流皓
月懸蒼壁陰蟲側耳鳴攬衣起太息星漢亘高
旻良遠無究極哲行昔未溼尚友覲求益

滄粟集 五言古體十六首

村南山行作

長卿託慢世康樂溺游邁曰余企前蹤縱性脫
桎械首夏柶江林長晝戀風瀨蒼陰側映門柔
條結簷帶脩阪晴煙開巒岫宛相對停策望鬱
森意至往誰碍仄步造層巔高視埏區外遂以
展沉冥賞與素衷會流飈忽披柯浮雲彌靈霽
物態競靡常淒其興獨慨支磴轉夷猶幽憇浔



深愛任達情固怡道卑宜養晦古帙旋易求神
交緬殊代

尋友生郭東舍不值

枯葉積委巷寒煙棲高林晨飈雜商吹飢雀流
孤音仰首營遠魄念節曠同襟行露泫輕褐霜
竹依門陰撫檻不聞嘯瞻室猶懸琴歸途倦窅
窳返步悵遐心倏沉西嶺日轉聆采葛吟緬焉
想顏色永歎俯江溥素懷同積水明發擬重尋


東郊春行因集泉堂

言邁青郊游履霜厯脩吟水壑涉復紆霜樾望

猶隱遠旭目乍迴新萋步前引縱覽肆延緣倚
策精廬近同袍笑相携就試雙泉飲踞石俎復
陳意愜尊易盡已寤芝蘭言亦揮金玉軫抗顏
脫塵羈媚時羞曲謹共樂道固然暫睽情詎忍
丁寧念宿期母令達者哂

秋夜獨酌作

初月翳高桺輕雲復悠揚夜久衆喧寂蟋蟀吟
虛堂踈簾度清影空壁敞微涼徒倚動遐想愁
心結中腸徘徊成浩歎撫几聊命觴飲罷兀然
醉起舞時旁皇清歌徹寥廓頽眄依餘光醅酌



萬慮息何愁夜未央

友生見訪投贈次答

雲霞敞幽扉結廬面晴簾閒披古人書歡然玩
珠玉坐惜白日馳幾見春江綠挈策偶晨遊升
高送遠目忽枉幽人驂清言慰衷曲石几映冰
壺空庭倚蒼竹悠悠千載懷相對日不足孤嘯
發松蘿竒蹤亘巖谷末俗態罔諧古道各自勗
攬衣不可留仰羨高飛鶴


尋友生城西樓

岑樓俯城隈檻外即流水葭菼折繁霜鳧鴈集

寒泚登歌匪宿期引眺情每喜下榻宣雅詞古
桐或對理幸承蘭玉歡綺繡終所恥將送勿爲
勞幽襟方託始歲杪雪復零傍厓梅亦蕊佳游
願莫違清興量無涖暫去轉夷猶迴望暮煙紫

初春對雪

獻歲春肇回瑞雪晨紛作靡靡塗階除嗟嗟皜
林薄乍微竹稍分忽驟梅爭落雜雨度疎櫺隨
風凌複閣玉樹淨依簷素峰寒抱郭憑軒重徘徊
獨據爐廢酬酢長望益淒其孤吟轉蕭索懷人
暮靄深泛剡興如昨



同友生徐步舊里田間止圯傍酒舍作
本愛山野游聿來託舊里愁霖迨始晴曠爽神
自喜杖屨許見携同襟量不鄙遂歷廣陌間迤
邐忘所抵遙阡禾委青傍流泳文鯉落照匿層
巒餘霞絢輕綺周覽豁塵眸行歌振鷺起迴淑
突前羅棟仄陟危圯躊躇感廢興徒挹濟人理
時逢黃髮公石几延芳醴對之情益凄渺焉思
千里向晚浮雲多滄江頻徙倚

月夜友生枉酌村舍賦贈

江墟入夜寂昏煙暖平楚高漢捲微雲華月倏

東吐蟲響逝風岑繁陰翳綠塢邈焉遲所思惠
來欵蓬戶露坐慰清言骯髒共懷古置酒復商
歌中宵頻起舞歷落固人嗤勢炙亦媒禍良遇
竟茲歡世事不足數調笑起林鳥出門月欲墮
曲徑返逶迤遙汀見渙火明發有前期把臂滄
江澣聊同拾佩遊綠洲采芳杜

次荅友生枉和言懷舊什

駐策江浦林幽僻寡儔侶觀稼歷春疇仰羨鷗
鷺舉返步側高軒空谷聆妙語傾蓋情已投牽
衣向青嶼濁醪倩佃酤鮮鱗及時煮長嘯捫蒼



自國樓抄
羅聽鳥遵曲渚遐覽神魚羈狂言縱高羽世棘
前路躡丘蓬安久處暫啖惠清首芳思凌曠宇
昂哉好古懷新交寧爾女

登雙幘峰用李謫僊峨眉山韻

雙幘抱南城並峙若為匹空翠揔松蘿散髮慰
偃息清江當其前恍疑芙蓉出頗聞駕鶴僊何
年得飛術我願與之遊石床理瑤瑟揮手謝人
徒塵累從茲畢晨夕入名山翱翔永無失睡覺
泰山阿半夜弄海日

應黃州別業用李謫僊謝氏亭韻

東山理別業前瞰石池清春風動森碧欣此群
木榮我暇借雙屐同攀暢高情石棧牽蘿上懸
峰入漢行竹陰蘚常滑厓仄花倒生蠹蠹白雲
合嚶嚶黃鳥鳴坐此忽竟日玉壺寧厭傾願從
卒歲卧却掃絕逢迎

雪晴齋居作

霽雪及始春品物逞新態素彩落虛楹寒旭渺
如晦層冰塞川途佳游往屐碍悠然坐空齋宛
與群峰對迴嶺結高松隱隱露蒼翠貞性時詎
移素心偶自會蔓艸既易繁蒿蓬亦難刈所嗟



生各殊並處大宇內值此風初和懷哉我同類
登臨昵清輝暫展平生愛晴巒望歸雲江壁仰
飛瀨樂事猶可追搔首若延待

得故人書


有客歎我門手持故人書中言離別苦更嗟歲
月徂我憶逢君日花間傾王壺醉時枕白石仰
天歌烏烏相失忽千里此興今有無爾音絕來
鴈丰容隔脩塗短緘始慰我我心亦爾如客去
置書坐獨酌卧林廬恍焉入我夢登樓共歡呼
既覺夜已半起視明月孤

包廣州水閣春集

春水浮碧天四面柵如煙倚策金堤側開尊玉
鏡前玉鏡雲光入層翠連空濕蕩日波鱗鱗風
蹴水花立客懷鬱未開空負尊中醅薄暮留不
羨鳳管行相催停杯好月至花影忽滿地顧視
思如狂高歌復大醉醉眠花影中月色近溟濛
恍疑泛鑑曲逸興浩無窮明當更來此枕流欲
洗耳只恐墮紅塵隔水即城市

答贈吳子

之子稟靈秀家隣鴈宕山青霞結心目千峰肆



白雲樓摘古
類詩乙集三
天台玉室道人
餘霞集 五言古體十七首
擬古九首用陶韻
稷稷巖上松鬱鬱江邊柳顏色各自妍誰知暫
與久出門皆交親重諾在良友促膝歡已深何
假對尊酒廣座擲千金安保不終負睠彼世間
人相從意良厚一旦屆傾危接手竟奚有
其二
閒居結深念明哲戒鮮終徑行懼忤物妄言易

白雲樓摘古

白雲樓摘古

類詩乙集三

天台玉室道人

餘霞集 五言古體十七首

擬古九首用陶韻

稷稷巖上松鬱鬱江邊柳顏色各自妍誰知暫
與久出門皆交親重諾在良友促膝歡已深何
假對尊酒廣座擲千金安保不終負睠彼世間
人相從意良厚一旦屆傾危接手竟奚有

其二

閒居結深念明哲戒鮮終徑行懼忤物妄言易



白雲樓摘古
類詩乙集三
天台玉室道人
餘霞集 五言古體十七首
擬古九首用陶韻
稷稷巖上松鬱鬱江邊柳顏色各自妍誰知暫
與久出門皆交親重諾在良友促膝歡已深何
假對尊酒廣座擲千金安保不終負睠彼世間
人相從意良厚一旦屆傾危接手竟奚有
其二
閒居結深念明哲戒鮮終徑行懼忤物妄言易

白雲樓摘古

白雲樓摘古

類詩乙集三

天台玉室道人

餘霞集 五言古體十七首

擬古九首用陶韻

稷稷巖上松鬱鬱江邊柳顏色各自妍誰知暫
與久出門皆交親重諾在良友促膝歡已深何
假對尊酒廣座擲千金安保不終負睠彼世間
人相從意良厚一旦屆傾危接手竟奚有

其二

閒居結深念明哲戒鮮終徑行懼忤物妄言易



啓戎有客據上座願盼稱豪雄一日誅親故飄
忽如晨風身亡名亦滅誰言吾道窮視茲益矯
厲幸勿厭丘中

其三


友生賞我趣携手晚城隅芳艸被原野參差群
木舒宛變騁遐矚造夕返舊廬我豈憚行役委
心念安居客子怨羈旅中踞多榛蕪况值風雨
晦仰想將焉如

其四

少壮志四海升萬望遐荒白日曜野艸春風披
華堂歷歷井邑內煙樹各微茫今稱安樂國昔
為爭戰場山河有改易何殊嵩與邱興衰注我
念日暮首獨昂舍情竟未達所思隔他方返步
入虛室中夜增煩傷

其五

中歲寢衡宇身賤名苟完好古聊展卷對客常
籜冠星氣易流轉有酒怡顏顏高枕忘永日時
聞鳥間關興至偶孤往倚杖望雲端述懷賴新
詩友生相與彈里閨慰宿昔遠交謝鴛鸞此心
倘不易相期在歲寒



歲暮天氣肅松栢色如茲不經霜雪候詎知同
昔時如何依世士流塵良易緇有身不自寶臨
事徒狐疑徇物既違已要名復脩辭得失亦甚
渺宴居胡不思苟合豈終夕人心焉可欺稟性
天所貴在我竟喪之先民有遺誠請誦西山詩

其七

百卉含芳菲值此春初和遠風交碧葉好鳥如
清歌行游本吾事寧辭憂患多依依巖際景采
采林中華順時不為樂老至復如何

其八

君子在行義盛年懷遠游忼慨就前路飭駕向
九州西阻太行險南限洞庭流踟躕不得度願
視昔人丘丘中遺朽骨莫辨秦與周身名豈長
保遑遑亦安求

其九

種蘭羅堂前芳新正可採君子持二心容與歲
忽改寧知方寸間難測廣踰海一顧回清輝舍
香若有待貞素苟不移百年終靡悔

雪夜同顧山人季狂飲



虛庭會積雪入夜猶未昏梅花互映發坐嘯清
心魂歡客能垂訪相對梅花根却笑子猷癖回
舟不到門高興寧易得徑須傾我尊揮杯無復
計五斗安足論因稱古飲者千載誰長存隨插
何必爾沉轄亦為煩豈如雪夜飲爾女寂無喧
聞鷄起欲舞林鳥驚復騫與君直至曉散髮晞
朝暾


舍雲亭次陳祠部枉賦韻

結亭挹幽麓貌無塵垢侵平楚抗迴壑寂歷生
道心每枉問字客淹坐遺冠簪煙明厓竹靜天

虛江日沉幽管興未竟華觴聊共斟牽蘿引海
月中夜擊壺吟玄機感冲挹縱言及古今延望
出岫雲英英度遙岑轉聞落澗水泠泠出前林
在物各無繫虛曠成清音願言託高躅及暇肆
追尋

尋梅厓子南寺漫贈

江聲喧雨簷山翠澹旂次東書雜雲煙悠哉山
水志誓發千載懷躡屐問竒字目蕩瀚海曾色
動青霞秘始宣大雅音鏘爾鳴玉墜為啓石室
藏迭賞翰墨肆跂足金匱招丘樊安久置揮塵



仁學後古
遲玄談拍床或捉鼻念茲濟物情明發擬結駟
流電燭脩塗千里屬神驥

春集玉輝山堂


春雲度層岑江旭納虛楫晴翠浮空來陰崖斷
復逗斜折新林開鬱然對深秀暄氣襲行塵懸
流協琴奏曠覽形神舒騁懷忘固陋華觴揮復
停飛花結襟袖嘉茲金玉筵况屆熙陽候浩思
凌迴風游心隘宇宙汗漫非所辭及時尚自懋
自東溪北折憇石盤因看梅山宮抵暮

歸作

日照溪水空澄深舍罔測夾岬多樹林數里沉
碧色偶與素心人遊觀經其側因以窮迴流往
策不可極始欣藉艸柔旣憚陟圯又溪咽淅石
盤漱流共偃息乍聞鷄犬喧遂詰花源跡春淺
杙未開萬樹梅尚白茅茨隱其中似與塵世隔
好鳥鳴親人老翁解留客言歸日始昏逶迤歷
長陌轉悵前蹤迷新蹊隨所適遙村燈火微及
門月映壁明發因寄聲重尋話疇昔

異政冊為王使君九澤公

使君荆楚才曾涵洞庭水文瀾委錦霞清馨亘




蘭吐矯翼奮青雲攀龍首南紀分麾向海隅
身播人理揚旌扇和飈偃盖沛時雨擷發符神
明鉏擊弁強禦挈綱振頽波首化敦鄙士千里
俗以淳仁潤浩無涖弭災先素誠反風完井市
緬邈江陵蹤曠代嗣芳軌側聞襦袴歌陽春遍
遐邇觀察獎殊勳冠裳快盛舉瑞鳳當儀庭祥
鸞寧棘止悠悠丹霄途軻發此伊始

春霽尋南衡祠部因同登眺龍顧飲應
氏山房

春日欣載陽城隅挹閒策迤邐徃未窮北嶠憇
長薄殘雪萎故萋尔暄迸新萼因造中林廬重
登遠眺閣晴色浮迴川春山繞孤郭世事嗟屢
遷勝覽渾如昨芳醪喜初開嘉穀紛復錯酣暢
釋沉憂縱心恣善譚歸鳥傍簷鳴夕霞當檻落
忽聆群木音恍疑暮雨作物態詎有期吾生安
所託濟世情匪諧遠游敦宿約尚希達人踪並
載入五嶽

望雲峰憶舊遊寄邦真甥時讀書其上
晨登白雲樓西望山厯厯孤峰中最高上懸霄
漢碧直接帝居傍迴與人寰隔岨陰夏亦寒雲



昏晝易夕絕頂冠藜林梵宇據其腋倚睡憶曾
遊從之以吳客丹梯若棧危十步每一息晨躋
暮未窮怪險世無敵嘯咏卧虛樓寒月共幽寂
戀景意忘疲詰旦躡層壁引睇向滄溟澗漾渺
安極隱隱雲濤中蓬壺皆可識丹木似扶桑其
高僅數尺仰視天可捫銀河瀉座側戲攀織女
機欲取支機石天孫哂而嗔長風為辟易棄策
失歸途三月蕩精魄祗今枕林廬清夜夢登陟
吾甥何好奇假此綜群籍道心生籟虛妙悟叅
名釋天香朝染衣海日夜窺席我將往從之決


意辨雙屐隨步凌春煙夤緣討舊跡晤對前時
櫻揮麈談宿昔徐爲雲中謠遍灑淋浪墨臨風
先寄聲憑軒羨飛翼返照眩孤眸中天橫秀色

懷古集五言古體二十四首

雜擬三十六首今摘錄十六首

孔明耕南陽蜀主不相識一聞徐庶言引之居
上席所以舟楫士未遇韜其跡寧爲塗中靈弗
爲市中璧操琴亦何爲彈缺徒戚戚卓彼縣鷄
生千載想清益

其二



明妃讐畫工志同宮艸沒一旦賜單于行辭光
彩發既以殺畫工亦以斃胡羯琵琶虜帳彈回
視漢關月芳魂不歸來青塚遺殘骨何似沉香
亭乘輿西播越

其三

韓人張子房結客千黃金騎馬向陽武驚動黔
黎心天子求不得遠以攀龍鱗功名既已成託
志其沉淪明哲不自困轉屈以爲伸良會不常
得清風想渭濱

其四


燕姬年十五青樓三月舞長袖擁春雲低歌蘭
氣吐一顧留行客再顧驚四坐長安有宿價列
坊安足數羲和忽西馳琵琶不復鼓輕羅絢明
霞門外無車馬非少昔時情顏色不相下

其五

南山有高樹號爲千年松下浸流泉膏上與天
漢通曝日蔭萬畝干雲何葱葱明堂久不作徒
以壯秋風匠人不敢視卒歲待巨工

其六

楚士彈齊瑟齊士操南音兩者不相入徒以解



白雲未折也
中心憫儻魯連子不識有黃金悲歌馳魏壁談
笑却西秦往來諸侯國一矢下聊城遠身避烏
喙海上結鷗盟當時人不省曠世遺嘉名

其七

瀟湘七八月木葉下天風落日翔朱鴈迴波影
玉容千年竹上淚猶自在江濱郢宮久寂寞飄
泊楚臣魂傷哉賈誼賦但為後世聞

其八

朝雨滄淒淒斜吹江路絲旣襲田中苗徐來原
上枝天澤順以曠一一次第施如何室歎婦芳

心久未滋延佇託雲翼天涯贈所思願君如朝
雨今來正及時

其九

桂生不弱芳松長魚低枝孤直難攀曳後發惟
俟時十年學書劍萬里風雲馳河梁絕中路去
去將安之會當返故道澹泊為安居盼我庭際
柯藝我園中葵葵心幸可託歲寒以為期

其十

楚江有醜女照水挿嬌花行人不肯顧還以謗
東家自知錐所暗在人情無阿西施浣越石被



身絕綺羅自去吳宮裏艷顏壓衆娥至今採蓮處紅芳被若耶

其十一

鳳凰處南海丹山結峻巢高岡御百鳥朝日耀九苞天地有翻覆有鷗怒以弭梧桐平地折吹浪湧山高萬物皆震蕩溟渤戰千鰲鳳凰雖靈物哀聲亦嗷嗷


其十二

簾櫳入孤月照影皆花枝群感倏已寂涼風何凄其陰氣散虛几夜久銀河低流光忽不見露鳥驚寒啼意得安可久憂隱更相持兀兀竟何益吾當結雲騎神游八極外倚劍玉樓西僊真相共處永與世長辭

其十三

天道不可測衰榮非我知先哲有遺訓藏器而待時三春發桃李九秋繁桂枝飢食首陽蕨飽棄商山芝門客有來去翟公常如斯白首揚子雲何獻長楊辭達人秉真悟固窮不復疑棲遲衡門下笑展南山詩

其十四



柴桑有高士五柳門前栽彼物有榮謝我心無
盛衰居官八十日忽賦歸去來豈乏濟世志終
際時運頽酌酒情自得笑指菊花開憂此傲霜
姿東籬日徘徊有客或招飲迨然爲舉杯但得
飲中趣於物何疑猜

其十五


花間一尊酒陶我百年情春風動翠幄虛堂聞
遠聲借問此何聲碧葉語流鶯笑拂床中琴脩
然松下鳴曲終還復飲仰視浮雲生歸來三逕
暝醉卧山月明

其十六

浮雲何汜濫蔽此白日光陰氣結萬里茫昧竟
何方颺颺潛出遊群物畏沈藏託心願徑往昏
霧襲我裳飛颺倏以烈羲和御故常清景遠可
即逝將獻明璫

舊里東山述懷

我家有東山不在會稽東山中有主人亦非晉
謝公古今不相及山名偶爾同未論同與否每
來客相從山花笑四座小妓若爲容雙屐棄不
著高談生雄風四十身未達蒼生望疑空一旦



出山去淝水建竒功丈夫事安料出處如蛇龍
眼前流俗士何能識龜通

溪上


春水如素煙奔流經我前坐傍溪邊石碩視水
中天水天無異色森森去何極雲擁迷前蹤
巖被青山隔青山鑿難開波光互縈迴風吹暮雲
散天空好月來徘徊不忍去孤吟倚高樹遙听
聞落梅水濶不知處撲袖飛花香月引歸路長
山窻回短夢此景安可忘

夜檢篋中得顧季狂遺稿

吹燈理舊篋忽得故人詩撫卷想顏色對酒憶
前時醉卧山雲重吟邀海口遲清歡久未厭高
齋忘別離別離甫數稔芳節恒見思近聆行客
語永逝聞江陸惆悵感存沒臨風淚空垂沒者
已黄土存者將白髮金石移舊好百年安可期
况值俗益薄斯道日凌夷遺言慎勿棄吾將爲
楮龜

訊古潭子卧疾近自西廣還

君昔客萬里我心隨君飛君今返城邑常思日
牽衣胡爲閉户卧經時會面稀行樂不得共垂



隔如未歸追茲春復半百卉俱芳菲白雲引長
谷綠水縈斜磯蠟屐或能往從之以金徽遐觀
足興寄濁醪堪並揮願君強爲出勿老山中薇

晚登大佛寺樓望湖上

芳堤界湖水皓月墮其中冥冥山影沒當前玉
鏡空西風爽然至素波搖梵宮遠舟無定泊浩
蕩失西東物態苟如此人事焉可窮臨流發深
省吾行昧所從達觀能自樂竊比濠上翁

西湖晚眺


湖水色始秋湖頭坐殘日堤影卧蒼龍珠光吐

蛟室遠引翠浪浮香渺芳林出泓渟浩無際突
兀狀非一倚杖問停橈雅意泛清溢薄露墜人
衣涼風忽蕭瑟但抱臨流心窮賞殊未畢

觀葛僊翁丹井

決意入名山固知學僊妙稚川亦何爲棲迹茲
山嶠而我慕玄風丹井淄空照玉色清人心一
飲豁煩竅悵望初陽臺意若聞長嘯願從五嶽
遊拂衣辭世耀白鶴遲不來渾俗事渙釣秋風
落日寒芳湖渺煙棹

觀龍井



龍居在巖麓測深若數尋清泠底無物惟有雲
日沉迴流長不住入澗聲如琴歲久龍或去遺
井闕幽林我聞龍神物在天多作霖濟物乃能
事若為屏荒岑斯理固罔究我來遺感深憑闌
照空影酌水清塵心躊躇不能去日暮動孤吟

白雲樓摘古

白雲樓摘古

類詩乙集四

天台玉室道人

初蘭集


五言古體二十首

秋懷十首追次高太史韻

弱齡負竒氣逢秋寧自悲曠覽俯群象屈曲迴
層坡伉慨值中歲易感在盛時齷齪摧志意夙
駕思遠馳前路脩以阻怪石雜披離涼風襲我
袂芳林霜露滋頽彼巖際雲日夕聊自怡

其二

蟋蟀奏哀響深夜達中幃反側感素節繁霜懼



龍居在巖麓測深若數尋清泠底無物惟有雲
日沉迴流長不住入澗聲如琴歲久龍或去遺
井闕幽林我聞龍神物在天多作霖濟物乃能
事若為屏荒岑斯理固罔究我來遺感深憑闌
照空影酌水清塵心躑躅不能去日暮動孤吟

白雲樓摘古

白雲樓摘古

類詩乙集四

天台玉室道人

初蘭集


五言古體二十首

秋懷十首追次高太史韻

弱齡負竒氣逢秋寧自悲曠覽俯群象屈曲迴
層坡伉慨值中歲易感在盛時齷齪摧志意夙
駕思遠馳前路脩以阻怪石雜披離涼風襲我
袂芳林霜露滋頽彼巖際雲日夕聊自怡

其二

蟋蟀奏哀響深夜達中幃反側感素節繁霜懼



白雲有打
露衣微月忽入戶取琴聊自揮曲終懷往古知音願已違開戶一孤睡河傾星亦稀

其三

高浪破巨壑貞松霜莫摧客子徒局促獨處江城隈臨流挹深慨虛籟增餘哀高原忽引領曠望何悠哉峰巒合沓至能使心顏開命駕肆窮討孤懷諒易裁寄言同袍友勿俟蘭蕙衰

其四

攬衣晨出將白露披蔓艸枕流澗芳舒依風井梧槁輕煙遠霏微寂歷秋原好沆瀣忘所知高


天豁幽挹無懷媿先民釋心恃好道在昔貴達觀沈憂但速老

其五

暑微寒節升清風每瀟灑白日偃長林無營同靜者氣爽神益閒高步散江野感彼候鴈翔始見木葉下掩抑思美人濡翰自陶寫

其六

翠竹弄晚色綠水涵清虛南窓綠塵慮方賴古人書遺文寄姬孔浮言恥相如殊代邈難及掩卷徒歛歔



秋蟲號荒堦寒梧下空井端居感歲華沈默得
虛靜山深夕露縈疎林孤榻吟明月江上來無
雲光自炳獨飲且清歌戀此良夜求萬事莫置
懷真樂在醪酌

其八


古帙散幽榻貌然欽昔賢寸心倘未隔神交隘
千年坐挹若歡晤涼宵夢屢牽正酣嵇叔懶獨
守楊雲玄深居遣氛垢期兌末俗愆翩翩指雲
翻萬里思未旋

其九

慄慄啓清秋徒倚虛岫側商飈厲層丘高林澹
無色睠茲巖上松亭亭挺孤直洞鑒恒委時餘
蔭藉偃息落日翳飛軒浮雲浩西北搔首發長
謔素襟渺誰識

其十

初秋騁遐眺海國多樹林孤羽縱所適飄飄依
重陰遠色浮始歛日暮寒蟬吟流響與風至悽
愴傷人心名山廣蹊路滄江煙水深驅車誓長
往五嶽始自今



山棲雜詩五首用李空同韻
白石曖朝旭短髮聊獨晞仰視林際鳥求友鳴
復飛而我索居久山深來轍稀緬邈首陽下結
心行採薇眷茲巖壑秀卒歲情依依悠哉烈士
念高卧常抱飢

其二


行游暮未歸咫尺步羅逕仄矧抱羈棲懷江田久
廢穡孤吟望寒空高林藉偃息起坐玩孤芳欣
然愛佳色首春陽未舒雪霰多澤國踟躕暝煙
深露下衣袂濕

其三

側身處大塊婚嫁願未畢莽莽畏流塵層厓卜
茲室散帙每經旬抱策或終日懷古情益放應
接如靡及頗聞結駟徒翩翩駕何逸芳華匪所
伴願言採秋實

其四

東髮諷詩書偶欲涉世務巾車誓遠游行道苦
多露按轡在巖阿年華非復故浮雲暮縱橫躑
躅仰長路哀彼孤征鴻悲鳴傷短喙願因託尺
書萬里申秉素



愛此風日美開尊念同仇側聞林鳥美轉睇崑
雲流抗俗恒寡合懷居殊遠謀平野踞我步懼
貽節士羞蒿蓬沒深逕水石聊淹留晨夕望滄
海掛席訪浮丘

月中泛色園池


輕舟泛池月天轉水風微柺深堤影亂遙听莎
螢飛翅流迷所適荷氣襲人衣感茲群慮遣默
坐籟音稀弭楫意俱寂夜央殊未歸

九日用陶韻

素秋屆遲暮嘉節歡初交木葉含遠響颯颯風
漸彫野曠衆山小雲斂寒天高仰視遠來鴈隱
隱橫青霄感茲霜露肅始覺物役勞獨有東籬
菊芳新無枯焦得酒就其側一飲情已陶坐令
百憂遣寧忘夕與朝

泊郭南江步用謝韻

暮發青楓磯朝憇白沙郭餘煙委迴孺缺月挂
脩薄層岑若天開恠石突牙錯偃策辭南村反
檝自東壑永夕接驚鷗風湍渺安託沉晦媿壯
游屢困係薄弱始慕濟世緣久違長往諾極晚



隱崩濤晨潮洶未落緬懷神龍居淵潛殊尺蠖

冬夜感述

志士懷遠圖盛年惜歲暮中宵煩夢魂肅裝即
前路前路多崎嶇車馬不得度徘徊石磴傍衣
裳被霜露所思竟不諧惆悵傷衷素獨往望轉
迷既覺若有悟聞鷄天未明仰視月在樹行止
非人爲山川莽回互直道暫夷猶孤征勿反顧
荆棘牽我衣君子寤益固

首春登城西閣看晴雪逢友生携酒同
飲晚翫江梅作時王子德濡在焉

借君城上閣倚檻望晴雪晴雪滿千山瓊瑤逼
座寒故人喜携酒揮杯逢勝友縱飲不計觴高
林啣夕陽玉梅美孤色掩映佳人側佳人向暝
歸風急隨花飛欣茲春復始芳華發江汜延賞
興未窮日日醉春風問春重回首幾時到枕柀

天慵集

五言古體十七首

月下獨酌醉次李謫僊韻四首

清夜持斗酒獨與明月親人茲去月遠月出常
隨人俯飲仰視月月色滿我身却憐此月好况
值山花春夜久月墮樹疎影因風亂長嘯尊欲



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

傾棲烏驚復散回望黃姑星迢迢沒河漢

其二

酒至杯沉月仰首月行天有酒月常在所願酒
如泉既醉共月卧高歌問青天我觀世上人無
如飲者賢既解月中趣况稱酒中僊脫巾挂高
樹散髮已頽然虛名竟何益徒令末俗傳

其三

月欲離滄溟微霞先散錦湏臾飛天端下照人
間飲醉醒復幾人多寡隨所稟達生誰能羈進
止何須審且就花間眠大塊即衾枕勿聽醒者


言為樂無太甚

其四

愛此雲間月常入手中杯昨向西嶺沒今從東
海來誰人獨對月能遣心顏開美酒未易得良
宵去不迴躊躇莫肯飲安用虛生哉五柝久衰
謝三逕迷蒿萊伊人跡已遠懷古臨荒臺

冬夕飲忠菴子宅醉作

霜葩若有期夕靄莽無際獨抱蘭室懷躡屐偶
前詣吹燈訂玄言神虛屏群翳漏遠風忽沉初
月寒墮砌玉觥欣共持嘉穀紛屢繼狂來擊筑



歌醉後聲益厲希世久無媒縱飲是長計揮手
清夜徂羈心值晚歲茲歡寧有窮興至重把袂

贈尹子邦性


名驥不輕馳祥鸞寧易止之子抱遠圖躋足在
萬里懷古屬妙齡濩落厭塵市每結山澤游或
從研名理釋心翰墨林與探圖畫始異軌妨曲
蹊古音謝里耳願余亦寡諧忝竊附知已勗哉
千載情直步勿復從本鉅葉固繁源深流亦駛
晚達良俟時求售寔內恥往哲跡未湮畢力訪
前紀

次荅青埜山人枉贈

緬想青霞徒高逝久遺晷偃息蔭繁蘿周覽倦
層巘會心或抽毫竒文亦數展愛客尊常傾問
人思策蹇遠隔澄江湄春流幾迴轉仰視孤鴻
稀芳籬被清淺欣並季方游屢企士衡善集賢
羅始張招隱情獨繾綣來空谷音高步不可俛
好玄匪為污挹璞寧求辨雲趾誰為羈鷗心良
易踐寄言末俗人聞風倘相勉

鳳明洪尊師枉訪白雲樓有贈荅謝


層巒帶長薄雲構依天倪孤心結遐想縱步妨



幽蹊迴與人寰阻靜愛林羽啼偃仰每竟日玩
世希阮嵇忽枉高軒集倒屣慰近睽披襟叶宿
好高視凌丹梯虛谷振清響迴闌列象低恍疑
太乙下天祿照青藜敢擬明時彥芳名海嶽齊
幸會揭文柄群蒙藉指迷古道久榛塞手闢快
從躋况茲樛櫪質周旋獲耳提開尊漫懷往千
載共含悽頗窺大雅念遺文託品題高蹤良足
企豈復羞蟠泥青氈聊自慰澤國暫鸞棲逸駕
詎能繫方馳萬里蹄高漢邈難即執鞭戀短輓
願假南圖願勿忘醢中鷄

月夜獨酌醉卧書所夢寄友生

此夕飛輪瑩血雲若倍明砌蛩悽以激樹影交
前楹招客久不至延佇勞神形巷靜門欲閉山
院來鍾聲詎負良夜景獨酌慰中情褰帷屢悵
望頽影盃後停遠引山水懷徙席傾我瓶頽然
卧虛閣飛夢遊玉京玉京本福地別名為赤城
群僊每容與台嶺道始經西折即桐栢北望乃
國清石梁跨飛瀑華頂中天橫歷覽固余志寵
召荷山靈願遣月常滿在在相隨行覺來書短
牘明發寄友生



誅鶴鷓子


萬物託同生仁者能並視惡惡止其身不忍君子志嗟爾類鶴鷓斑雜垂兩翅爪嘴近爽鳩具形一何鷲不逐群鳥遊夜陰乃獨肆爰止屋角鳴死禍頃即至所以世上人皆願莫爾值先王重惡之夙戒誓箴氏覆巢使弗生恐傷我至治矧今爾為雛獲之寧復置我固憐爾生爾為不善嗣即縱爾壽生長復世相似生既楚人憎死免賈生忌命磔土堦前用愜先王意感念寫新詩聊為世俗刺

鷺鶴篇

主人廣園池並畜鷺與鶴二者性固殊同居豈所樂既訝偶非倫况令隨飲啄晨夕處其間悅首獨齟齬長恨抱渴飢雪羽漸零落睨空或悲鳴主人亦不覺自顧寔僊胎胡為竟失託振翻向長風翻然入寥廓容與玄洲湄安棲闌風閣永依諸僊真左右皆鷺鷺因思疇昔時决去似嫌薄良宵海月明夢遊渾同昨

黃雀行

北山高張羅群鳥絕經過鳳凰懷至德歛翮隱



巖阿鷹隼負悍疾雲漢高婆娑啾啾爾黃雀出
入凌藜柯啄我庾中粟穿我庭中莎身微欲未
飽羅踈不能加自樂脫機穽小智安足多游戲
蓬艾側晨夕競誼謹寄聲羅家子柰此黃雀何

瑞芝篇為張氏


好事獵圖史掇芳揚清芬靈芝顯上瑞五色炫
竒文肇始繫人理玄感擴前聞清河有嘉裔小
隱澄江濱北堂待令母孤節勵霜筠誓言掩塵
鏡全壁歸高墳孝思縈罔極悲慕忘夕昕攀號
壠栢傍構亭依白雲結心動玄默瑞靄蜚氤氳

靈芝驚並發高下錯紛紜九莖豈為貴百本安
足云異行表賢羊快覩人共欣奕葉徵世德烜
赫感同群我將親採纈置座禮玄纁空谷迷處
所撫卷倚寒暄

對松齋用韻為楊氏

種松羅高齋廣蔭餘畝孤秀寒不彫深知惟
魯叟抗顏玉雪中傲睨群芳後蒼翠蔽層空閱
歷歲云久風來鳴古琴雲染色無垢主人同素
心對之如益友

夏夜坐



素月照南楹涼風來北宇心清意復閒六月不
覺暑花影近陸離棲禽寂無語忽滿一天雲葛
衣襲輕雨

孤望言懷

長風吹斷蓬一袂千萬里落日照柴門悵望孤
煙起物遇固有時行住不在已所以賢達人超
覽炳斯理居常卧空山出則為霖雨我身若流
雲我心司止水悠悠天地間渺然忘所處視彼
齷齪徒毫末繫悲喜相去無端倪不啻倍與蓰
一跌寧復全念茲在慎始

奉侍李使君復菴公有贈

公起邇山東人言太白裔竒文出錦心川嶽助
佳釁奮身胡明時雲途展良驥昨向赤城來暫
作神僊吏政平俗自熙門清日常閉每招煙霞
徒對席戲詞藝官閣月初秋甘棠陰布地飭駕
入瑤京轉輸崇國計不惜馳驅勞奉使稱上意
東風海艸芳高軒欣復至正值春暘和笑視桃
李醉而余媿沉冥久懷國士遇眷茲青萍光再
愜芝蘭侍已窺報國忱更譎天涯事願益播弘
猷珍重蒼生界延佇露華濃儀鳳翻方厲舉舉

九苞姿行為清廟瑞

華翁宗伯邀同諸公春集學士巖居即

席賦呈

曠澤陽始熙高宇暄尚韞川縈挹郭煙花燦垂
門錦騁心誰復羈寄興若為引擎開北海尊言
邁東山軫初依玉樹芬乍接水壺凜雜選登龍
觀酣暢如濯飲投轄任恢諧吐茵忘曲謹聲入
鳥隨歌法蕊花競哂卿雲念數殷霖雨望猶蘊
頂輟山公卮暫紆謝客鞞坐挹玉露零笑睨丹
霄近懷哉風雲期追賞屬舊隱


夢霞子夢余示以古詩評數卷覺後了
然記之具牘來告因為此詩


憐君數夢霞胡為忽夢我手持數軸書共披高
樹下篇篇評古詩歷歷摠風雅遠始西漢時具
列諸作者首推李與蘇中流如赴舸泂洄得魏
思操楫戲其左維時波始揚逮晉益傾瀉嵇阮
溺風流張陸濡艷冶陶令嗣先登窳源直無假
遂及宋齊間中路際坎坷荆榛塞前驅謝客獨
凌跨數變經李唐餘蔓復瑣瑣伯玉剪繁蕪太
白滌土瓦延綠槭棘藜誰復覩梧檟茲後難具

白雲樓摘古


尹夢鯉書

陳恍馬迷廣野陵坵莽縱橫崇嶽遇亦寡所夢
信如斯既覺盡能寫我聞古至人無夢思不頗
好利夢穢污好遊夢車馬精神與夢通知彼結
因果君夢固自殊幽襟何濼濼知余尚友情吟
咏不暫捨余亦有夢時古人袂常把夜展明良
歌歎枕夢唐虞







國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.




國家圖書館 NATIONAL CENTRAL LIBRARY, TAIWAN, R.O.C.



3462510 v.2



國家圖書館, NATIONAL CENTRAL LIBRARY, TAIWAN, R.O.C.



白雲櫻摘古目錄

天台王室道人陳公綸次經父

七言長笏

第一卷

寧碧集八首


樛全集十首

第二卷


承蜩集九首

紉蘭集五首

第三卷



國家圖書館, NATIONAL CENTRAL LIBRARY, TAIWAN, R.O.C.





白雲樓摘古

類詩乙集五

天台玉室道人

寧瑕集

七言長篇八首

山中詩歌示友生

君不見孔明昔向南陽耕抱膝長吟多世情致
君盡瘁業不就徒令後世嗤輕生又不見深源
亦有蒼生望出師未捷先受謗書空咄咄竟何
為前恥未雪身已喪古來祿位皆悞人此身一
屈無由伸所以肆志魯連子白衣談笑能輕奉
人間萬戶無足慕何況黃金肯復顧高風颯颯

白雲樓摘古目錄

探珠集十一首

滄粟集七首


第四卷

餘霞集八首

天瀾集八首

通計六十六首

萬曆歲在丁丑季春真賞齋摘刻



自序
稟猶生千古英雄稱獨步我視古人百不如獨
坐窮山學著書懷古悲歌意未足終朝齷齪徒
長吁翻憶少年盛豪氣挾策干時不一遇歸來
却卧山中雲無事空栽溪上樹尚辱名流數往
來高談對酒心顏開相逢爲樂年復歲爭知白
髮還相催眼前富貴那能致唾手功名寧易事
不如長醉且優游身健何愁終棄置幸際盛平
無戰爭江田春暖且躬耕無乏虛名在朝野出
時或不負蒼生把酒追思堪自樂造化於人誰
厚薄所
似風前花隨處高低任吹落百年

身世吾何求偃仰空山雲共流日望門前酒徒
至至時即飲醉即休笑拍高闌俯蓬島波濤出
沒一杯小寄聲阿母安在哉青鳥不來江月晚
住近名山多外僊從之服食可延年倘向丹霞
得石髓何如日食常萬錢

吹燧誦李太白集作


我聞唐家李太白盛歲江湖甘落魄一旦高名
達九重白衣遂作君王客丹心欲碎宮中花長
恨常時卧酒家直道難容遭遠謫夜即不憚經
天涯歸來酷愛尊中酒轉憶浮華竟何有相傳



身是長庚精萬古清詩終不朽至今猶作金石
聲吹燈朗誦鬼神驚仰視繁星盡散落當空皎
皎孤蟾明須臾風雨復如晦前江疑有蛟龍會
側聽波濤徹夜鳴萬折狂流盡東沛我生却後
千餘年如對顏色几席前每逢奇絕或掩卷大
笑拍床呼謫僊乃知會合在意氣何必從遊同
一世要令詩可待長存當時榮辱誰復計我有
美酒爲君開下拜酌君三百杯天上人間不可
住魂兮駕鶴還歸來

燕歌行

燕山昨夜三尺雪黃河千里冰如鐵曙色輝輝
劍戟明朔風發發旌旗裂憶昔漢家遣貳師軍
書八月度焉支天驕漠北每輕敵飛將雲中常
失期極目胡沙埋戰骨飲馬誰向長城窟別恨
還隨白草生歸心盡逐黃雲沒青閨少婦不知
愁獨向此時雙淚流金徽乍倚香風陌流黃半
掩明月櫻香風明月長如此却抱芳情憶君子
暮雨長迷瀚海青夕陽不見天山紫爭說寒多
未授衣寧知歲晚書猶稀長川凍合魚難至絕
塞霜凝鴈不飛悵望自悲還自懟嗟彼行人亦



何罪幾時冊詔下輪臺共祝皇仁浩無外


臨高臺

臨高臺臺前薄暮蒼煙開望中甲第連空起雲
窓霧戶通蓬萊隱約香風雜歌吹未滅華燈紅
拂墜轉惜流光頤步移雨蹴苔痕迷舊處瓊臺
西峙勢嵯峨雲繞金庭子晉家月曙吹笙聲不
歇紅桑長照赤城霞詎識人間有久暫黃鶴爲
期亦汗漫鬢首松蘿歲復年長夜空歌白石爛
天邊鴻鴈幾時來含情極眺獨徘徊迢遙海樹
乍明滅層巒複嶺何崔巍坐隔佳期數千里孤

城日落浮雲起却恨茲臺猶未高不見長安淚
如雨

城東行呈冊丘生

城東並策綠長溪溪流曲折東復西溪上門開
午陰合繞門綠樹鶯初啼李生好奇能似我携
酒相邀綠樹下解衣盤薄興無涯劇飲歡呼起
復坐我醉且歌諸君聽世上萬事皆虛名蓋世
功多亦黃土區區貴富安足榮嗟哉世人不解
興朝夕旁皇若趨市偶一得之意已盈白日驕
人真可恥天生我輩許我閒終年散髮山水間




有酒相邀即並至但令興盡須當還兼旬風雨
徒作惡今日晴煙散林簿天時人意頗相宜一
醉何愁日又落金尊酒盡君當沾袖中豈願青
銅無古來飲者皆非謬相逢不媿高陽徒李生
李生多逸興爲我折花挿滿鬢笑向人前盛自
誇何如腰繫黃金印薄暮高歌還入城吹燈翻
作城東行我與諸君意不薄幾時重訂溪頭盟

學漂歌戲贈夢霞外史

羨君舉舉青霞流枕石夢與群僊遊俛仰人間
未能去每從海客問瀛洲瀛洲我昔夢曾到群

僊顏色皆不老丹闕西頭拜玉真欣然乞與長
生草歸結層樓向白雲勝日頻來鷺鶴群子晉
相招多雅意月下吹笙半夜聞願君餉我蒼鱗
脯玉乳千鍾澆肺腑試學藍生踏踏歌歷叙僊
踪自前古我州秦時茅初成學道上昇戲赤城
繼世諸孫亦羽化至今丹井傳其名漢家採藥
劉典阮邂逅雙娥各成伴半歲辭歸已百年洞
口重看碧桃滿同游寒拾經隋唐穢形避世若
陽狂蟬蛻巖端現遺跡人收偈頌紛天章後來
復出白雲子曾謁金門賜朱紫歸從華頂登赤




龍擲下竒文示玄旨入宋誰人更嗣聲備真共
說張用成金丹四百著妙訣後學往往稱僊經
其餘齷齪不足數幻術還元竟無補欺世猶傳
異代名姓字空污列僊譜就中赫奕惟數公長
存尚在名山中君聽斯言豈無意坐客聞之亦
動容相期杜策事遐訪隱約金庭堪獨往東臨
滄海大如杯遍陟五嶽平於掌况聞君實蔡經
孫一日麻姑或到門須覓靈丹換凡骨若窺手
爪毋私言千載宿緣非異事得之先將鷄犬試
僊家至樂不可窮視去家人如脫屣即今未去

住人間共君草創為大還有時青鳥自東至便
合白日離塵寰

立秋登白雲樓作

棲遲海國初逢秋感時眺望獨登樓槿花乍發
色婉婉梧桐未落聲颼颼繞梁舊燕悲故去滿
樹新蟬啼不住自是時遷物亦殊莫逐流光嗟
晚歲江南白蘋開未開天涯美人安在哉躊躇
歎寄相思字鴻鴈霜前不肯來苦憶金徽託山
水半生心事無人語高歌終日倚層欄徒向西
風怨白茅荒臺萬里埋黃金相傳郭隗直至今




古來好士寧有幾落落四海誰知音自信干時
竟無益幸有長林可偃息遙知秋月倍還佳相
照空山才咫尺對月酌酒慎勿忘人生會合豈
有常煙霞自暎綠尊滿風雨不禁黃花香每逢
秋至悲搖落今秋遣興在行樂閒時遍躡城中
山醉後長暝江上閣城中江上日淹留幾回翹
首海東頭閒閒不逢青鳥至英英惟見白雲流

後七夕歌

井梧欲落風初殘山月垂鈎夜未闌誤傳天上
佳期邇永夕翻驚會面難憶昔天孫效鸞侶新

歡若為銀湾阻彩虹無影鵲無聲寒芒熠熠知
何語綺戶華燈向夕開芳馨瓜果雜尊壘深深
下拜勤致禱露濕花階靈不來綵絲金鏤盈鈿
合滿擬開時響如荅倦倚繡床訝自嘲鴛鴦無
成恨空結由來慧巧本生成人間乞巧真浪名
咫尺偷歡亦易事那向河干玉筯零轉惜塵心
少貞潔昭陽沉香不知節爭妍妬寵巧已多豈
似天孫久離別離別雖久相逢新鷄鳴有戒湏
重陳願借孤槎載機石手握龍文示世人

楞全集 七言長篇十首




長安少年行

高談掩口笑儒生白首劬書名未成半酣擊劍
向四座聽我長安少年行長安少年好游俠率
遇萬人心不懾金錢朝擲芳園廬燈火夜歸茂
苑獵尊前白紵舞吳姬帳底紅蕖綰趙妾昨來
乘醉過曲中明知姓字不須通金脫戲牽春雪
白玉觥笑索朝霞紅揮麈從人恣辯馬禿毫耻
自學雕蟲鳴鞭並轡日追隨五陵盡說盛容儀
何處對月月不好何處看花花不宜豈願流光
有遲速百年歌舞那曾離一旦煙塵起西北仗

劍從軍許報國魚鰲分管葱嶺傍龍驤轉闔陰
山側驃騎功成有天幸幕下封侯未可卜

有所思

美人昔別芳湖邊凝粧齒齒明秋煙三笠誤遺
琥珀枕六橋亂指珊瑚鞭兩地相思轉相憶幾
度天涯望雲翼秋風錦鞵背斜陽曉月羅幃歌
永夕羊腸曲折雲山遙夢魂來往不知勞匣中
頻掩菱花鏡江上屢待木蘭橈菱花木蘭久零
落惆悵芳情寧似昨含悽不上望夫山抱恨還
登思子閣過眼花飛渡幾年無緣共對綠尊前



自
國
社
折
古
斐几更題宋玉句綺窓重灑薛濤篇待來歲忽
暮歆去愁長踞願隨新鴈空中翔乘風直向西
陵渡柳堤半鎖斷橋煙細認舊時携手處


山中對酒戲呈友生

棲山莫作隴中吟對客莫彈膝上琴俗子何知
高士志里耳寧通太古音獨坐長林幾搔首逢
人且醉蘭陵酒寸心悠悠不可知眼前空結如
雲友吁嗟艷艸還舊情却憐敬仲未知名十載
相從盛意氣擊筑悲歌鳴不平紛紛世事驚翻
覆旦夕浮華未為福白首青雲合有期先知勿

向君平卜東門牽犬復何人車下飯牛猶相秦
天意生才終有用薄俗焉能論屈伸學劍未成
空抱媿挾策無媒還復棄長嘯煙霞歸去來咫
尺花源杳何處徙倚江城又夕陽脫衣藉草盡
餘觴悵望浮雲忽浩蕩蓬萊不見九迴腸安期
賣藥今安在方平按行應有待丹闕嵯峨或許
躋何日孤帆泛滄海

友生携酒山中重賦

白日西飛不可留長江東注無時休人生百歲
何迅速昨日少年今白頭晨夕低眉嘆何益卞




王千金人莫識爭看走馬向紅塵何如脫巾掛
蒼壁蒼壁遙開高樹林涼風蕭颯動清陰對此
可以飲美酒酒酣可以彈素琴惠然有客載穀
至共酌林中不問字酒更耳熱競雄談悲來忽
起千古思千古英雄九幾人就中功業最危身
身名不毀惟曠逸乃知富貴不如貧何地朱門
貯絲竹轉盼重看芳草綠世變浮煙無足論爲
樂竟日酒秉燭夜深明月旋復生碧山滿眼誰
能爭尋真五嶽不辭遠便著青鞋處處行定向
蘇門乞玉髓相將黃鶴空中舉擬駐衰顏道已

成萬里歸來問弱水

蟋蟀篇

露下西林月漸低空階草靜金風微野客不眠
徒展轉獨聽蟋蟀情依依初疑露重聲猶澁忽
訝風迴調轉急似對征夫絕域啼如伴佳人幽
閨泣征夫佳人各抱愁天涯海角思悠悠萬里
秋風動殘夢一夜孤眠欵白頭野客感之亦長
嘆况是愁多聽自慣披衣出戶寂無人星斗之
迢仰河漢河漢微茫不可親三秋物態幾迴新
流音清切復何意到處偏驚久別人却憶長安



亦似此天上風多落桂子玉漏花皆空月明此
聲不到君王耳

白紵歌三首

白紵出自吳蚕絲織手當窓織較遲鶯囀燕啣
花滿枝春風行樂摠相宜輕衫妙舞鎮追隨瓊
筵珠箔生光儀翔鸞迴雪匝羅幃繁絲急管促
金卮流盼花飛白日移半酣秉燭手重携傳情
命意君自知寶釵忽墮玉纓垂


其二

香風晚醉蘭葉紅日斜綺閣春煙重盈盈笑人
若芙蓉被身霧縠望來空細腰宛轉疑彎弓弱
指合沓諧踈桐流目送笑狀不同珠履夾席嘆
始逢秋缸琥珀約千鍾長夜漫漫樂未終西山
烽火照深宮滿城禾黍新露濃

其三

月彩撲花清夜徂花心漏點博金壺紅粧射燭
艷且都白紵僂疑疑玉膚舞罷含嬌青紫扶吳
王半醉猶歡呼轉看北斗橫姑蘇平江欲曙啼
城烏四境不省田里益百年此樂江南無

重壽南衡祠部六十





白雲種柏古
羨君夙抱經世才盛年射策登蓬萊自知會合
等千載悲歌獨上黃金臺珥筆迴翔依粉署鳳
彩翩翩若霞舉孤芳竒服衆所猜高抗難同鷄
鶩侶吐茵不逐七貴遊豈復曳裾從五侯風流
白雪傾都市香名徃徃傳龍樓明月澄江幾入
夢高懷却為尊鱸動歸向東山千載眠海內蒼
生望逾重來徃天台學采真或逢洞口如桃花
丹成不管滄桑變笑折碧桃六十春轉憶方壺
望東海舊侶安期今尚在相逢更乞束如瓜一
綵芳顏長不改少時戲事不能無遍歷煙霞間

酒徒落筆清詩發天竅尊前耳熱歌烏烏我喜
幽居聯北郭浩興登樓俯寥廓每同夜月逞雄
談豈對春風悲歷落昨來共赴尚書期卷中盡
翻壽君詩萬竹清風灑石榻起舞持觴重致辭
願君長醉尊中綠僊家日月亦迅速長留天地
是才名世上浮華皆碌碌遙瞻嶽色何崔巍長
風萬里浮雲開天涯倘覓歲星子金馬還稱萬
壽杯

楊白花

楊白花春風三月遍天涯不是花心迷處所祇





緣輕薄逐風斜日夕看花坐嘆息欲隨花去恨
無力滿宮豈乏芳姿妍不及楊花好顏色春風
倘復為吹來避風願築千尺臺

白雲樓摘古

白雲樓摘古


類詩乙集六

天台玉室道人

承蜩集 七言長篇九首

將進酒

君不見漢家有孔融長願尊中酒不空又不見
我家有孟公每從醉後稱英雄兩賢芳名能不
朽至今達士希遺風疇昔傾杯笑流俗後後百
年苦未足對酒不飲何能為徒向人間長局促
有酒即就山中花無酒或尋市上家有無隨意
且盡醉莫遣尊空白日斜轉盼韶光若流電落



緣輕薄逐風斜日夕看花坐嘆息欲隨花去恨
無力滿宮豈乏芳姿妍不及楊花好顏色春風
倘復為吹來避風願築千尺臺

白雲樓摘古

白雲樓摘古

類詩乙集六

天台玉室道人

承蜩集 七言長篇九首

將進酒

君不見漢家有孔融長願尊中酒不空又不見
我家有孟公每從醉後稱英雄兩賢芳名能不
朽至今達士希遺風疇昔傾杯笑流俗後後百
年苦未足對酒不飲何能為徒向人間長局促
有酒即就山中花無酒或尋市上家有無隨意
且盡醉莫遣尊空白日斜轉盼韶光若流電落

花滿地誰忍見盛年為樂不及時老去空思如
玉面家連滄海多巒螿江田種秫堪為醪自詫
一生無俗累况兼四座俱才豪將進酒莫停手
一醉已茫然萬慮竟何有祇云茂世身當縛更
道幼輿處可折昔賢風流皆我師何用區區狗
小節小節不足徇大隱解逡巡君當為狂客我
願從酒人


夏杪林居友生携示長吉集欣然有作
因效其體

松煙濕曙愁溟濛弱枝墮絲懸青蟲拾芳蜂侶

銜金鏞密陰布石通柔風高日一線漏踈桐綠
虬青鳳圍深叢山客銀鬢紅霞容踏空踞睨涼
雲中新槽乍迸真珠濃赤光蕩日琉璃鍾拍闌
負酪氣為虹蠹編喃喃誦惱公通眉吐繡遺鬼
工別帳榴裙結寸裏花襯小立羞餘紅素空發
焰歸才雄齷齪耻就咸陽封悲嘯山鬼蔽陰松
時雨欵驟山中龍

程梅崖山水為王王吾題

玉斗程生善山水點染鶯綃疾風雨何時為君
作此圖流水高山如屋裏晴霞散彩千芙蓉噦




白雲樓醉
喋朶朶涵青空下有拔雲千歲木却疑蜿蜒翔
群龍飛瀑泠泠噴寒雪珠璣亂迸蒼厓裂緣流
石髮閃清音怒鯨忽踞吐復咽風景如斯何地
同依稀衡岳匡廬峰又如盤曲山陰道林光映
發煙溟濛杖策何人美如玉擬向山家看脩竹
時從石圯渡迴溪指點滄浪堪濯足君家右軍
第一流子敬晚來名最優曠懷博雅世無敵牙
籤錦軸堆床頭高人投贈重下壁袖入白雲誘
漫客幾欲撫琴響眾山恍然漱石瑤林側倚闌
長嘯一摩挲蒼翠連天雲氣多他時好慰蒼生

望轉憶東山舊薜蘿

白雲樓醉贈雪樵山人

與君相別今幾年忽來共向白雲眠即須沽酒
與君醉囊中豈惜青銅錢近來世態君知否棄
置文章若敝箒區區小技安足爲只合生涯在
杯酒山中明月無人爭解衣竹下清風生佐飲
那煩絲與石鳴蟬滿耳皆新聲感此秋霜行復
墜天涯白鴈亦尋至相逢不飲徒後時落魄終
年竟何事願君記取黃花開澄江鼓枻還復來
携壺重醉東籬下悲歌懷古臨高臺




白頭吟

誰破相如綠綺琴誰廢文君白頭吟一時以色
偶相悅百歲焉能保寸心乃知人心各自異同
心萬人不一遇群飛難得比翼禽衆卉寧多連
理樹相如輕薄舊來聞盛年白哲徒攻文漫遊
謬結臨邛令彈琴客座那足云文君知音意何
厚白璧千金竟失手甘隨野鶩錦川飛笑靨當
壚亦可醜一旦遭逢金益多駟馬西歸憐綺羅
將金私聘茂陵女豈願求鳳琴裏歌鉛華已逐
春風落人情轉厭秋煙薄回看壁上舊時琴恨

不從前彈別鶴携來寶鏡直至今如何照面不
照心漢家尚憶長門賦空房誰念白頭吟我願
貞女歸烈士平生薄倖心所恥自結青襦求不
移試向白頭亦似此

夢霞行為蔡子每句用霞字


憐君玉面煙霞姿將被霞裾謁玉墀自託夢霞
應有意人說因霞寄孝思先公嘗作霞山主綵
筆成文散霞綺手指餘霞幻作雲霞飛到處爲
霖雨歸來高卧赤霞間暮年學道霞爲餐每與
群僊宴霞表一旦乘霞去不還君徒見霞不見



父徙倚流霞心自苦霞亭獨往感如存照眼明
霞不忍覩却憶霞輝映北堂曾逢節序進霞觴
依稀無復對霞臉自此孤霞入夢長夢長不覺
海霞曙須臾霞散愁無語朝霞暮霞起無時盡
向君家夢霞處嗟君夢霞曾幾秋此霞與夢何
當休還期善繼霞翁志攀龍遠作紫霞遊紫霞
高闕疑瑞氣捧日晨霞光燭地金鑪香繞蔚如
霞獻罷霞文得上意轉憶舊霞返舊山笏袍直
射霞色殷共詫霞城萃靈美獨擅霞翁橋梓間
我聞昔有少霞氏僊窟傳銘霞作字遠與霞翁

豈共宗霞為名號偶相似又有青霞李謫僊新
詩高映錦霞編神氣軒軒若霞舉曾來訪道赤
霞巔二子未聞解霞夢千載煙霞為增重乃知
霞固一物微古人因霞發嘯咏蹇余夙挹凌霞
思九霞遠憶玄洲期自信煙霞非痼疾煙霞與
我情相宜家近赤城看霞起采芝幾度霞生履
知君入夢霞更多幸分片霞應不鄙願同足躡
山頭霞霞中盡歷諸僊家翩翩直上霞幪頂笑
折丹霞千樹花

忠菴子招飲別館席上戲贈




坐上結客千黃金衆中誰知一片心所以古來
絕俗士入山惟恐山不深君家花圃傍城市甲
第遙連盛金紫昔時歌舞盡成灰祇若鳥聲空
過耳新結飛軒曲徑通層翠移陰落古松繞砌
幽蘭浮碧靄依簷脩竹灑清風乘興竭來雙短
屐解衣對卧莓苔石花影參差日欹斜疑向華
陽覓金湫主人拍手呼香醪鬆床勿惜羅珍餼
揮杯滿飲不知數絕纓大笑氣益豪頃刻千言
詩立就擲地或諧金石奏重吟陡覺風雨生長
江波立群龍鬪醕酹相扶倚石闌移尊待月猶

未還共說盡消三伏暑
瑟瑟高林生暮寒我學
嗣宗終放棄君爲長卿寧慢世腰下龍泉數自
鳴重對花前論意氣玉甕何時許復開好懷結
伴應同來清狂倚席猶能賦擬博青蓮鸚鵡杯

送黃仲濟歸黃山

黃仲濟羨爾不忝名家裔少年學文同輩驚逢
時合作青雲器春前乘興來赤城雲閣初逢倒
玉瓶意氣相傾似疇昔共約青山取次行或向
朱門看花圃多從郭外眺平楚倚策探幽春復
過感慨悲歌吊千古兩歇澄江忽夢歸南去孤



帆帶夕暉臨行向我索詩別尊前落筆情依依
君家咫尺即鴈宕風煙作伴數來往我將著屐
招君從徧歷山中共抵掌問君別後高興無便
合青絲繫玉壺丈夫未遇且行樂珍重美玉毋
求沽

海鶴山人枉話山中逢暮雨作


山氣陰陰竹鳥啼高梧澹翠萬葉齊虛影參差
石几潤飛流憂王喧前溪把卷憑軒引長睇蒼
煙忽起孤城西惆悵懷人心乍結嘉君乘興能
杖藜一笑班荆話疇昔玉壺在室欣相提中林

對酌清思發登樓榻管分新題倚席高歌不覺
晚江雨復來風淒淒衆壑含聲蘿木亂雲昏咫尺
令人迷抗手欲別意惻惻牽衣共下千層梯
屐高石滑驚忽仆滿衣苔蘚無汚泥感此陰晴
莫前定無知夷險無端倪我輩行樂聊委運及
時明發重攀躋

紉蘭集七言長篇五首


池清篇為秦太史華翁

碧玉深池開相里斗氣虹光日夜起赤闌曲抱
雲霞明嶽色斜搖空鏡裏池頭玉面人如龍卧




雲嗌雨涵空濛高懷洞澈破千頃文瀾倒展青
芙蓉翔空遠作龍頭客瓊漿新賜花垂額宮袍
出入紫宸闈重瞳屢顧流光澤金蓮燭夜天上
回罷草雲章五色開玉堂清坐春如海珠履盡
喜龍門來上尊宣賜日旁午名花幾度沉香吐
獨進清平調格高才名籍籍驚青瑣久憶水雲
池上秋衣錦暫來春晝遊東山調笑品花月赤
霞散綺暉文樓滿引碧流環複閣坐對春風魚
鳥樂絳闕迢迢首重回時上層巒俯寥廓欣逢
熙洽龍初飛頻勞夢卜正畱衣丹詔遙頒仍勅

駕會應神物天池歸天心人意肇嘉慶先遣清
派見寧靜停泓乍接鳳池通嗟峨遠入龍樓影
閭里歡傳環堵看日射瓊瑤萬斛寒異色共誇
增海國含輝正藉重巖巒深春擬達長安道步
輦相迎揮七寶賜醉多從金液還池塘却夢生
春草好把經綸補袞裳明良重覩會虞唐彤管
喜爲傳盛事一池千載同流光孤槎蹇我依銀
渚曾叨充飲池中水側聞飲洽情無涯仰天大
叫發狂語願爲霖雨慰蒼生拭目風雲樂盛平
期向華筵借彩筆長歌載頌河海清



贈別覺庵程丈
作宦東甌亦幾月何事翻然入台越停車野寺
復春初江嶠相逢滿風雪自言盛歲攻文章擬
向天門繪玉裳萬里崎嶇阻長道低眉海國翳
雲光遠臣報罷渾常事散髮青林遂初志更喜
名山近目前晨昏有子亦來侍去秋始爲鴈宕
遊芙蓉夾道飛泉流却笑謝客不能到捫蘿鳥
道恣窮搜半月出山未嫵夕夕陽倚棹澄江口
獨詫雲煙動篋中綴集新詩數十首澄江秋晏
獨裴徊病裏還逢黃菊開秋山入望興不淺載

殺有客時仍來共躡天梯幾千尺下從委羽拾
方石倦時偃卧九峰雲落月狂歌散終夕淹留
不覺歲復殘旅况凄其獨倚闌僊洞梅花或相
待乘春好入天台山青藜就踏還經此隨處登
臨聊莞爾恰憤丹丘近可尋地主相看竟誰是
我領斯言願少留牽衣共上白雲樓調笑煙花
連日夕尊傾欲典鷓鴣裘閒探遶郭諸竒勝錦
囊佳句日益盛郡牧聞名倒屣迎趨門車蓋常
相並遊興方濃駕欲西野鶴冥鴻不可羈滿路
芳菲攬長轡還從橫嶺問靈溪靈溪西折赤霞




起隱約五峰萬松裏石壇丹竈被荒榛寒明絕
壁遙相倚東指石橋雲外橫掛空瀑布疑銀潢
回看華頂天咫尺雙闕瓊臺搖日光歷歷山中
多勝處每憶舊遊莫同去因君寄謝諸僊人好
採琪花遠相寄君遊當作幾日期茲山遊罷將
何之笑拂杖頭雙蠟屐風光無地不相宜憶昔
尚平挹良願婚嫁甫畢無餘戀獨往名山取次
遊五嶽足跡殆將遍更有馬遷稱儁才壯遊遐
覽半九垓齊魯梁楚不憚遠東越還探禹穴來
君有令子應更勝千里從行名甚盛况復君才

追古人清詩滿篋爭傳誦兩賢高標迥莫攀相
期尚友千載間海上遊蹤方託始萬山回首雲
漫漫

贈別梅厓子

嗟我素性僻且迂結髮好畫兼好書滿屋牙籤
意不足搜羅圖繪無時虛每一得之笑絕倒晨
夕披玩如至寶相對古人環座隅四顧掀髯盛
稱好獨秉孤衷歲月深漫漫流俗誰同襟若向
空山挹遺璞躊躇海宇無知心有客自稱梅厓
子相逢一咲亦偶爾何期好事與我同乃知世




上復有此論書直以秦漢先評畫必因人品賢
玉篆已入二李室山水還居北苑前杖策常來
白雲裏呼酒狂歌閒徙倚耳熱大叫復何為秘
藏一一為君啓指點雲煙落醉眸淋漓滿卷橫
銀鈞自詫平生獲竒遇快哉至樂真無儔我亦
與君有真契浹月相投同臭味時閒不廢登臨
期興至花前常把袂相從不覺春欲殘遊子忽
悲行路難叩門索詩作遠別臨風把酒更憑闌
我聞君住大江右懷玉山名舊稱首代出高賢
跡未塵簪纓奕葉君家有乃翁覺庵抱異才直

氣雄文世共猜一官脫屣不少惜南國名山還
復來有子如君宜嗣續千里神駒方騁足直令
意氣橫高空莫向人間銜良玉相期遠業繩哲
先從茲閉戶窮遺編我當持戒屏所好君須棄
置無復然固知玩物心有滯即使兼能亦一藝
搔首雲霄意若何勉之君子重行義

送松鶴山人歸樂平

松鶴山人湖海姿長身玉立不可羈壯年學書
雅好古遨遊山水窮幽竒常時調笑松林側呼
童放鶴日未夕金尊傾盡山月來踈陰清淚高




天碧松長鶴老歲復年幾回夢踏匡廬煙雲蹤
浪跡豈辭遠萬里青山拄杖前到處每稱方外
客爲人漫卜山中宅造化全收阿堵中一卷青
烏辨龍脉尋龍遙望赤城霞手把天台琪樹花
遇予山中渾如舊一尊相對飲無涯長宵共泛
寒江月遍歷青山興未歇東臨滄海看雲濤隱
約蓬壺皆識別謂予先德通神司吉地所指非
人知芙蓉拔秀麗霞日連岡松栢陰參差景純
僊去揚曾死千載寥寥竟誰嗣我聽君言良不
欺如君海內今無幾東風吹春芳草肥多情遊

子久思歸舊山松在正堪撫遙羨清江孤鶴飛
我欲招之不可得夜半忽夢縞衣客覺來蒼翠
滿空山回首春花共春色何時鶴去還復來雙
幘高松露滴苔別後懷人秋更切竹房新甕待
君開

奉送唐憲公歸永豐

憲公高抗空秋旻曾羅萬彙涵千春盛歲芳名
滿江表手提斯道開斯民虎竹初分蒞台越彩
牙高拂滄溟月塞上黃雲夜不飛玉帳尊開唵
白雪官閣臨源春晝長梅李在門春風香海鏡



白雲樓下
搖空晴色遠青山遍是桑麻場連江風雨忽如
晦夢入匡廬偃蒼翠芳草初肥歸興濃不待秋
風想鱸膾飛蓋原頭玉勒鳴鷺洲千里暮煙平
春寒弱柳不堪折江上相思空月明

白雲樓摘古

白雲樓摘古


類詩乙集七

天台玉室道人

探珠集七言長篇十一首

次南衡祠部冬夜對月限韻二首

江月欲墮霞流紅萬樹策策鳴寒風片月初生
白煙起滿城暖氣疑非冬丈夫豈自悲長夜得
時勳業羞王謝牢落江臯且漫遊踏遍青山雙
不惜慷慨燈前白石歌半落星斗傾銀河悠悠
世事安足問但愛金尊美酒多年過賈生豈稱
少身比馮唐還未老倘來富貴不可知自笑塵



白雲樓下
搖空晴色遠青山遍是桑麻場連江風雨忽如
晦夢入匡廬偃蒼翠芳草初肥歸興濃不待秋
風想鱸膾飛蓋原頭玉勒鳴鷺洲千里暮煙平
春寒弱柳不堪折江上相思空月明

白雲樓摘古

白雲樓摘古


類詩乙集七

天台玉室道人

探珠集七言長篇十一首

次南衡祠部冬夜對月限韻二首

江月欲墮霞流紅萬樹策策鳴寒風片月初生
白煙起滿城暖氣疑非冬丈夫豈自悲長夜得
時勳業羞王謝牢落江臯且漫遊踏遍青山雙
不惜慷慨燈前白石歌半落星斗傾銀河悠悠
世事安足問但愛金尊美酒多年過賈生豈稱
少身比馮唐還未老倘來富貴不可知自笑塵



緣猶未了狂歌搔首望青天徑須大醉眠尊前
數聲江雁不堪聽月色正照梅花邊相逢暫對
花與月寧效梁鴻老吳越他年莫忘此良歡獨
向天涯愴離別


其二

暮林隱約含霜紅白雲片片吹長風江城乍暖
雪不作梅花豈待開殘冬城頭皓月吐新夜高
懷不減東山謝乘興還尋輞口春醪正熟何
須借對月滿飲仍高歌欲裂金石吸長河耳熱
頓覺增意氣漫向尊前感慨多五陵車馬盡年

少寂寞揚雄空歎老近來嗜酒只優將閣上草
玄何日了拍闌大笑頻仰天脫衣起舞梅花前
征鴻不帶天涯信悵望長安何處邊爲憶舊遊
指明月茫茫天上神飛越人生不憚行路難豈
惜明朝有離別

小至衡公招集山堂倒前韻同作

雲山暫隔渾如別羅徑寒陰近可越佳節欣逢
日轉長石闌正好待明月携壺對坐長松邊指
點雲物羅曾前清江千尺浸落日芙蓉萬朵疊
高天雲物眼中俱了了登臨未覺歲華老暮色



迢遙月欲來但恨金尊酒漸少獨羨主人豪興
多把筆直決天上河頃刻詩成壓四座自顧何
慙李白歌白也僊才誰復借不數人間有曹謝
懷古重吟意未闌烏散空林山欲夜共言行樂
宜三冬清狂不忝古人風今宵拚向高臺卧醒
後驚看海日紅


次日容翁尚書招飲四用韻奉呈

昨來痛飲夜深別夢繞雲林幾超越今從八座
侍芳尊停杯更候昨夜月光夜夜照花邊長
憐笑語洽尊前尊前花月易成醉倚闌大叫開

青天翻雲世態何時了人生忍向杯中老誰說
嫦娥空有情只解人間愛年少世上憐才那復
多惟公虛受如江河歲時慣赴文字飲得意新
詩許共歌滿坐春風我願借吹噓豈復愁衰謝
自茲意氣橫高空不學甯生悲半夜笑指梅花
殿九冬枝枝綴玉凌寒風晚成物理倘如此何
事深春闔紫紅

侍飲鳳明洪尊師五用前韻奉呈

千年誰作道南別正脉長流散闕越近歲闕中
獨數公手扶斯文開日月竭來司教越江邊千



白雲樓指
峰秀結柱杖前風光常滿地常暖桃李花爛三
春天席席傳經義俱了不使人心溺在老青衿
感化日益深著述滿家功不小蹇我先承潤澤
多自知充量飲江河枉問山居每留咏獨慙莫
和陽春歌晨夕清輝肯相借豈憂吾道久荒謝
洙泗常存阿堵中誰云萬古同長夜昨來淑氣
回窮冬復親笑語坐春風倚闌忽動萬里思天
涯回首五雲紅

夜過友生宅留酌六用韻

每憶昔遊幾回別自哂行蹤只東越追歡十載

漫悠悠長向青林對花月乘興花月真無邊往
徃高咏留尊前尊前抵掌送遐目渺渺空江涵
夕天江上好山青不了高眠共伴白雲老四望
風光似泥人花枝處處猶嫵少更喜昨來逸興
多吹燈對酌望明河明河半落情未已擊節憑
闌拔浩歌尊空復向西隣借相憐雅意重起讌
銀缸欲盡石床寒傳籌不覺已深夜人生莫自
悲殘冬轉盼春花笑暖風與君便須日日醉直
待江南萬樹紅


洪尊師重過白雲樓留酌七用韻呈



青山長卧無時別盡日松聲自清越祇憐同調
每相親高情不厭山中月倚策重來石徑邊山
色四圍落眼前碧霞半斷紅塵隔豈信人間別
有天谷口寒禽啼未了雪後梅花渾欲老登樓
長望東南空滄江檻外一杯小近城簫鼓晚來
多玉繩美影傍銀河徘徊蘿塢已昏黑中酒還
爲明月歌歌成明月不可借作賦千年憐小謫
吹燈石室照殘尊樂意空山此良夜試問猶餘
幾日冬江臯轉眼又春風乘興還期從杖屨舞
雩行咏山花紅

友生夜過山中留酌八用韻

玉壺酒盡昨宵別醉餘萬戶輕秦越今來昏暮
聞叩門然燈更酌愁無月長笛乍起寒江邊小
星熒熒垂檻前帝城萬里何處是長恨浮雲蔽
遠天南國漫遊何日了病渴長卿今復老共向
空山懷美人書斷天涯鴻鴈少天意生才苦不
多誰能筆底瀉長河斗酒成詩忽滿百燈前一
一爲君歌歲月飛馳不假借江上梅花看漸謝
人生不飲復不吟相逢花下負清夜狂懷更劇
今年冬連宵對酒臨天風飲罷大笑出門去醉



臉爭如霜葉紅


友生重過草堂九用韻

咫尺歡遊寧暫別生憐住處同台越無時不對
城頭山有興常眠滄海月昨來暮葉墮吟邊杖
藜復過草堂前凭几歌聲作金石仰看星漢澹
高天詩酒生涯堪自了豈保紅顏不衰老百年
渾似風中花昨日猶多今日少勸君莫計少與
多但願有酒如流河一飲徑須傾一石既醉仍
爲撫缶歌在天富貴誰能借榮辱與時隨代謝
相逢得意非偶然共憐行樂美芳夜芳夜迢迢

歲復冬幾回愁夢覺寒風長醉真能輕萬事妬
殺新槽琥珀紅

重過友生宅十用韻

刮目那須三日別羨爾香名滿甌越詎知歷落
塵埃中魚目翻能亂明月近秋作客胥江邊飛
夢遙依玉几前歸來重向東山卧叢桂愁逢搖
落天欲濟明時心未了綠駟寧甘首宿老閒居
且覓高陽徒相頤何嫌知己少共對尊醪氣岍
多笑談絕倒誇懸河傳杯竟日不暫止留贈兼
傳白雪歌虛譽感君多獎借風流曠世思嵇謝



眼前富貴只浮雲不如秉燭遊長夜誰能萬卷
開三冬沉醜自效達人風江城抗手日欲落笑
指飛霞天際紅


覽屠赤水詩戲借其韻走筆遙贈兼招
之入天台山

四明壓海青嗟峨敵虧星斗凌銀河西當石梁
枕桐栢赤霞倒掛中天色海波逆折東南奔扶
桑隱隱浮蛟門中有高人未白首門前學種陶
家桺清才歷落其後時葛巾掛壁常漉酒高歌
慷慨憶西涼搔首遙空數鴈行萬里關河愁

絕醉中擊劍飛寒霜一曲芳名當不朽眼前富
貴輕侯王屠赤水羨爾高風能若此不媿青蓮
李居士吁嗟世上風塵惡何似持竿釣東壑白
浪連雲漚不驚爭知城市多逢迎終當長嘯譟
人事醉向空山卧月明相望天台只咫尺幾時
能作天台行天台靈艸春舍紫人若得之長不
死願君勿負山中期同將姓字書僊史

滄粟集七言長篇七首

雙節篇為餘抗符氏貳守李海雲公主
教時所旌因為索賦




羅剎西流玉作濤天柱入雲勢欲翔中有符家
雙節婦與茲山水爭清高大婦結褵青瑣琰小
者斛珠迎素臉百年未足蕖砧歡忽破青銅塵
半掩捐軀同穴事無難白髮在堂遺雛卑空閣
還來明月影孤心不共春花殘春花明月長如
此此身已許青鸞死開奩重賦栢舟詩回首高
樓空燕子白玉連床闇夜光寒筠相倚流清霜
塵世顏風那可轉祇憐閨秀解天常天常莫信
黃金重琥珀空遺舊時寵錦水鴛鴦魚定波露
屋蓬麻寧故種觀風誰築懷清臺闌幽喜遇謫

僊才斷臂應傳錦繡筆欲埋雙劍光初開吁嗟
表宅寔政首百爾低回弛已久高賢明作豈沉
淪盛舉芳名兩不朽浙水悠悠山色蒼符家水
玉映新堂錦囊拾得清歌在千歲邯鄲石有光

贈王恒田僊君


知君塵外振孤標應是前身王子喬雙瞳欲方
髮半綠足躡飛鳧腰繫瓢謫向天台獨來徃戲
讀方書心自朗還從市上起枯骸頃刻神功真
唾掌義氣能揮萬鎰金人為種杏鬱成林彷彿
僊家四時好丹霞綠霧常春深堂上慈親垂鶴



髮日舞彩衣歡未歇異行恒令世上傳芳名籍
籍滿甌越爭迎遠近日盈門縉紳趨候無朝昏
玉漿自飲葛洪井鹿車或造麻姑村前年西遊
括蒼道却遇高真與傾倒共約翱翔阿母池自
說俗緣猶未了相辭白鶴復幾秋歸來井邑漫
優游常登海嶠望蓬島青鳥不來瑤草愁余生
本自戀丹闕每就壺中問真訣牽衣相對飯胡
麻幾迴同醉滄溟月願君便作地行僊好住人
間八百年會使蒼生歸壽域並駕安期東海邊

題絕壁觀泉圖為蔡生道卿


層崖削玉青漢孤舍風古樹群蛟擊海日初生
雲氣滿迢遙蒼翠光糊模懸流直下三千尺倒
瀉銀潢如練白奔流噴激勢不回萬石噓呀爭
辟易倚杖誰人能好奇緣流却立美漣漪意中
指顧頗自得無言搔首將何爲恍如瀑布出廬
阜太白看時吸數斗又如濠上滙清流相忘莫
樂來莊叟自古高人貴達觀碧瀾長日獨盤桓
仰面高空灑晴雪飄飄襟袖玉生寒憐君雅致
愛翰墨許我憑闌重寓目醉來乘興枕長流一
洗胸中塵萬斛



贈虎林夏西厓

我憶昔年遊虎林西湖浹月恣幽尋盡日看雲
南北嶠夜闌卧月滄波心手携夏公詩一卷朗
誦百篇得直賞歷歷煙花藉指迷挾勝搜竒如
覆掌夏公寔稱當代賢直節高風海內傳游戲
文章乃餘事能令山水增澄鮮天竺西原有先
墓人說廬居致甘露夕陽回首白雲深至今行
客輿慨慕喬林陰森世澤存餘慶還歸盛德門
百年復出西厓子植行不媿名公孫天性直淳
邁先世一生能孝兼能弟有疾刲股人所難君

再為之事尤異乃知至行通明神庭萱重茂荆
重春吁嗟俗喙置勿問却憐毀體全天倫晚歲
移忠期報國帷帳謀成靖南域吳鈞遙指黃雲
平旄頭夜落滄江曲功多稅駕辭千金白頭風
月偃高林勝日芳尊時命伴悵望西湖煙水深
自言行樂在花酒得志封侯竟何有到處名山
好往來行重高人頻握手近緣採藥入天台玉
洞花飛滿綠苔古寺相逢識如舊一笑清風尊
復開側聞高行仍加禮篋中况覩名賢紀更羨
雄談歷四筵絕俗孤標誰比擬歸去西陵罷美



潮藕花半吐 泊蘭橈明年記取此時節訪君話
舊段家橋


薄暮山中友生見訪對酒作

晚風吹林萬葉零 高枝欲定山鵲鳴 輕煙乍起
雨聲歇 斜日半沉江色明 坐石撒書傍脩竹 竹
光亂映書中綠 問奇好事誰能來 隱約林陰聞
剝木 故人一笑復牽衣 高談對酌暮未歸 黑貂
不厭清霜冷 金華長憐明月輝 戲指寒藜問黃
菊 豈向空山怨幽獨 晚節孤香聊自娛 不顧年
華太迅速 江南芳艸望春生 樓上青山盡日橫

高歌擊劍歡未足 何必崎嶇萬里行 近城正苦
飛塵滿 狂心欲結尋真伴 隴梅未吐歲將闌 長
恨尊前調玉管 尊傾客去還高眠 數聲斷鴈落
江天 無端忽動天涯思 頃刻愁生石枕邊

李使君磐石公禱雨歌

使君自是作霖才 五馬初從天上來 引領蒼生
望膏澤 草萊頓覺春風回 垂手撫摩依枕席 忽
逢亢旱憂艱食 釋耒奔呼隴畝間 仰天相顧無
顏色 公念我民何聊生 為民請命先精誠 素衣
虔禱朝復夕 追隨老稚傾江城 徒步直尋龍所



處向龍下拜與龍語吏則有罪民何辜願龍爲
我三日雨龍出蟻蜒携龍歸白日雲煙夾道飛
井澍連旬谷如響吁嗟天意真無違閭里歡歌
頌公德公謂神司我何力試登官閣俯虛闌極
目江山盡生色轉盼西成樂歲豐民爭樹石紀
奇功仁波惠澤浩無涘廣潤還應滄海同入覲
九重當下問謹對憂勤亦臣分即知殊績重巖
廊漢相功名先治郡

包廣州東園木芙蓉中夏有花殆文瑞
也歌以紀之

君家池上木芙蓉舊種傳來白海東獨映寒流
結疎葉多抽花瓣待秋風清霜一夜下南浦寂
寞偏銷楚客容自分後時甘遠斥如何移向此
園中園中春意日常滿一入能令淑氣通左右
名花作伴侶更兼雲物時相從楚楚正得主人
愛英華便自奪天工忽向東皇舍細蕊低回夏
日發新紅並照荷花失顏色參差安石有餘濃
不用連宵催羯鼓若爲頃刻轉神功高客爭看
誇上瑞野人快覩時扶筇共說主人多善慶故
將陰德符天裏玉樹森森諸嗣秀種學敷文天



所鍾同芳並茂本餘事兆始竒葩先綠藜天道
栽培應有信人心物理將無同媿我看花雙白
眼漫裁新咏託孤桐

白雲樓摘古

白雲樓摘古

類詩乙集八


天台玉室道人

餘霞集

七言長篇八首

蒼嶺本因稚川而名後為賈師憲賜第
予過而傷之乃為此歌

游客時停蒼嶺車傍人為說相君居金碧崔巍
映湖水重樓複閣含清虛日日朝回擁賓從歡
歌醉舞忘迎送自頽清平樂未央逸騎如雲遊
別洞一朝變起塞火然孤身遠謫向蠻煙萬里
空埋異鄉骨華屋不來麋鹿眠始悟身亡國亦



所鍾同芳並茂本餘事兆始竒葩先綠藜天道
栽培應有信人心物理將無同媿我看花雙白
眼漫裁新咏託孤桐

白雲樓摘古

白雲樓摘古

類詩乙集八


天台玉室道人

餘霞集

七言長篇八首

蒼嶺本因稚川而名後為賈師憲賜第
予過而傷之乃為此歌

游客時停蒼嶺車傍人為說相君居金碧崔巍
映湖水重樓複閣含清虛日日朝回擁賓從歡
歌醉舞忘迎送自頽清平樂未央逸騎如雲遊
別洞一朝變起塞火然孤身遠謫向蠻煙萬里
空埋異鄉骨華屋不來麋鹿眠始悟身亡國亦



滅蔓草歸魂應泣血徒遺穢跡累僊蹤百代空
山照殘月吁嗟世事多更遷何年此地屬金僊
錯落珠林依寶石頂上浮圖高入天夜夜鍾聲
渡湖水芳砌猶聞蟋蟀語却恨榮華有歇時一
片湖山幾易主往事閒談傷客心倚杖斜陽轉
碧林薄暮烏啼還復去回首江湖波浪深

壽海峰公


丹丘東顧飛璫濤芙蓉初日紫霞高中有僊翁
結雲屋松蘿遙接蓬山曲壯歲曾遊玉帝傍手
持彩筆分天章錦帳懷香坐清晝歌流白雪才

名奮西風忽動鱸魚思掛冠歸採青雲芝台馬
閒時獨來往高侶深林一抵掌關尹相要或著
書遠近爭迎白鹿車尊前調笑卧明月清夢幾
回飛玉闕却隨僊衆戲玄洲過眼樵花七十秋
高筵白橘香如玉九霞飛飲雲礪續半酣起舞
且長謔翠波亂立天風號滄洲小隱望來渴頰
言從之問丹訣雲路迢迢道未成先向洪厓一

寄聲


奉贈張使君印江公入朝

羅浮散綺千芙蓉下瞰溟浸涵空濛
車芝蓋



數來往朱明瑤石遺音蹤北引浮丘作門戶越
秀錦聯巨南土盛傳都會甲炎區比屋冠裳擬
鄒魯使君拔萃稱最賢才華籍籍真無前曾羅
名嶽並丹漢文展會瀾迴巨川芳歲擗辭驚四
座獻書兩軸留金馬迴翔粉署擅聲光不啻漢
庭推董賈側聞宸念康斯民五馬南臨海國春
初洽寬仁得慈母更傳擿發驚明神前年洪浸
半層郭萬室歆沉居罔託倉皇拯溺出重淵先
事勞心在民瘼去年亢旱仍為殃精誠默感回
高蒼頃劑甘霖遍千里高低禾黍復登場政成

共說今年好隨處桑麻蔽長道深村夜午犬無
聲極海波平孤月皓時際豐盈百廢興身先儉
約無橫征嘯咏高齋多政暇海山獨擁書簾清
飛憶行春常露冕錦筵邀月興不淺坐聆新頌
滿閭閻散入絃歌聲宛轉春風旆李花成林黃
堂日靜來青衿遐邦更覩文翁化喜霑潤澤江
河深殊勲見重觀風使錦檄交馳旌善治姓字
應先識御屏九重行遣徵書至遲迴甫及元會
期雙旌首路定何時玉鞭遙指燕山月花覆天
堦宮漏遲吳公治行居第一黃霸才猷堪輔弼



不勞夢卜會明良
唾手為霖應有日
遠郡蒼生戀舊君
還期借寇名
為聞追隨莫遂王生願
直北遙看多五雲

題春水綠波卷送劉公子歸蜀

海國逢春春可憐
芳洲悵望水如天
青籬點點弄晴色
碧柳枝枝垂暮煙
雙輪忽向堤邊駐
碩視迴波不忍去
正是征人恨別時
况言才子傷心處
憶昔高軒來西岷
幾見江南長綠蘋
遊歷幽竒結名勝
行臺戲彩忻長春
春城眺遠情偏重
花老錦江頻入夢
行蓋臨流曙色開
羽觴錯

雜驪歌動即看雲
翻復西飛春深長
路靄光輝笑指秋
風桂將發題橋重
羨錦衣歸君家鍾鼎
已數世盛軌芳華人
共企秉節重臨定
有期試問衣冠多
舊契相思萬里莫
登樓江波猶似昔
時流丈夫會合應
不偶搔首春風賦
遠遊

羅敷行

羅敷朝來出採葉
玉顏陌上靄輝光
忽逢使君正年少
誤把黃金買一笑
羅敷却立前致辭
妾家有夫君未知
妾心自信似葉葉
向日枝枝密相結
君心却恨似桃花
春來片片隨風斜
葉葉

桃花各有意妾當秉節君止義採葉不顧空躊
躇日暮棄間陰不移

公魚渡河

公魚渡河盍少待河水之深幾於海河伯錄人
魚生還肉填魚腹骨安在歆濟無舟渡無梁臨
流悵望波洋洋輕生自溺竟何意救之不及徒
悲傷與公百年忽相失妾命亦向河中畢携手
重為水府遊月明共探鮫人室獨不見子胥懷
忠浮吳川屈原數憤投湘淵能令千載名不朽
惜公之名今弗傳

冬日登寒明樓上作

君家有樓恰如斗雙扉下瞰長江口倚壁層巒
衆鷓翔拍床疊浪群蛟吼隱約江籬兩岫青蕪
葭半落水煙平日暮孤舟橫野浦一曲滄浪遠
恨生客至憑闌還把酒浮雲天末重搔首歲晚
風多江上林夜深月照城邊柳江上城邊秋復
春眼前物態幾回新魚情白鴈自來去中酒狂
歌懷美人羨君高才當晚達風流豈願霜侵髮
多情好客日登臨笑指江梅千樹教憐予住近
白雲岑乘興城西許見尋夜來風雨攪殘夢疑

有龍蟠江水深

吊北山二孝丁生

旄頭熠熠黃雲乾，蕭條海野空秋煙。秋煙極塞萬寒木，魂斷江花傷白玉。白玉雙美丁家郎，寒筠海筴厲天霜。明發乘危甘白刃，指心七尺樹人常。咄咄一生何復恤，毋命幸全予事畢。蘭摧鳳殞不足論，此玉一擲聲萬鎰。月黑原蒿骨未塵，淒淒芳草歲常新。孤舟午夜泊海客，呼酒商歌吊美人。聲盡風高馬飛急，嗚嗚浦樹向天泣。江上無人寒壁蒼，千尺清江派白日。

天慵集 七言長篇八首

題邊進善畫鶴雙鶴圖贈張使君每句用鶴字

國朝邊進善畫鶴雙鶴初傳出東閣，薛公十鶴世共珍。此鶴較之真不忤，鶴本僊禽重古先。詩稱鶴鳴聞九天，清韻高標鶴並擅。比德君子惟鶴焉，支公好鶴慕孤舉。化鶴徒聞子晉語，山中猿鶴日為群。獨悵風塵寡鶴侶，使君放鶴清海濱。昂昂野鶴在鷄群，一朝鶴書忽赴隴。身騎隻鶴翔青雲，却羨天台珠樹鶴。一鶴自隨守江郭，時披鶴氅出行春。招鶴層臺俯寥廓，公身似鶴



稻梁聊擬鶴翮辭寧爲別鶴吟贈公雙鶴價萬
鎰數比趙公鶴增一鶴雖微物比德難豈徒画
鶴重名筆願公日玩雙鶴圖鶴外清風生座隅
更祝千年同鶴壽漫遊跨鶴遍寰區鶴背迢遙
指蓬島鶴入帳中誇得道轉憶天台鶴尚存重
來問鶴拾瑤草

晚同友生湖上作

寒林風定日欲夕湖上青山湛空碧浴鳥飛鷺
靜魚喧折葦枯蒲亂如積遠岬猶含落照明群
鳥翻墨點高城野客酣歌興不已薄暮牽衣湖

清且臞鶴傍棠陰春哺雛對鶴哦詩頻頽問鶴
翻松露今何如黃鶴新題照千古孤山鶴咏不
足數高情愛鶴還憂民不忍開雲築鶴圃朱輪
到處鶴相從每憐鶴鶴好儀容鶴戀主恩應不
厭萬民與鶴同春風徒倚虛闌看鶴舞人間鶴
倦依花塢有時鶴起直冲霄恍疑怪鶴出石鼓
三載民恬鶴亦馴清宵鶴唳滿高旻忽驚鶴報
徵書至與鶴西飛向紫宸同群舊鶴栖金闕鶴
袍近侍天顏悅還從玉帝借鶴乘夢回鶴市踏
明月蹇余伴鶴卧雲林病鶴空馳萬里心恩飽




上行平堤極眺愁心豁野色徹茫海天闊舊遊
歷歷阻江鄉遠計無成甘放達案頭枯硯終疲
神麴藥為媒易忤人不如坐此旦復夕玻瓈萬
頃無纖塵塵埃白日蔽城郭共擬迓虛解群縛
百年飄忽等秋蓬何事人間悲歷落須臾海月
忽飛來影落湖心青鏡開輕霜墮地不覺冷且
眠蒼石依莓苔洲邊呼取白鷗鳥與君盤礴直
至曉月寒萬籟寂魚聲遽然一覺天地小

渡江尋戲龍山寺次同行寒叟子韻

雲黑風寒鴈飛急殘雪枯莎江步濕隔岬春煙

一抹蒼依稀古樹似人立即呼小艇西城陰出
沒狂濤直百尋既濟迺得支逕便徐行北折皆
平林年來竊擬無懷氏懶向人間拾朱紫閒游
結侶興無窮歷歷青山隨手指乍經層嶺憇崑
阿側身絕壁依松蘿長溪逆折復在眼遠影鱗
鱗白石多人家傍渚隱蒼翠飛鳧拂鏡亦可愛
水盡山迴逕復通始入禪宮興感慨憶從狂客
傳詩筒當時點筆羞兒童况逢棟宇近摧落主
僧相對驚衰翁二紀重來結素款恐被山靈笑
踈散獨憐名勝共逍遙回看白日常苦短鍾聲



鳥語喧寒村江氣忽漲林色昏薄暮東還迷舊
處倚杖細認來時痕渡頭艸滑步前却偃石追
思林下酌行樂難忘九十春明朝更就雲峰約
贈赤山王君府獎
王君舉舉青霞標笑談四座開瓊瑤學書好律
期自奮天風萬里吹鴻毛獨立頽波提卞壁一
生好義真無敵歷落塵途人未知遭逢幸受府
公識蹕蹕府公仁且明春風浩蕩秋霜清眼中
一顧空鼻北相投意氣如平生錦檄初傳耀下
里賓客填門同色喜玉醴新開燕寢香耳熱大

言報知已知已恩深念勿忘孤劍腰間生紫光
結心霄漢不相負飛夢常依北斗傍丈夫遠業
在自樹搔首風雲際良遇便應振策向長衢莫
戀空江老華歲值今丹禁廣掄才如君抱負寧
塵埃青萍况有高價在春風會上黃金臺

寒明歌為季子

瓊臺西折如龍奔峰巒錯落駛復蹲寒明兩巖
左右分玲瓏拔地疑崑崙高虛吐納萬斛雲陰
森蘿木忘朝昏霜花雪草揚清芬石月長懸白
兔痕幽壁吟猿徹夜聞青天一線明朝暎綬帶



遙開五色紋玉乳亂滴浮金盆曲折迴溪羅洞
門千尋水索通桃源依稀天樂雜潺湲宴坐頻
來鸞鶴群飈車芝蓋爭紛紜雲房石鼎春遺溫
白日丹氣生氣氤氳幻跡竒踪莫具論祇傳神秀
開乾坤蹇予歷落滯江濱夢遊徃徃勞神魂彷彿
飛磴或可捫未能幽討思如焚學道憐君心
勿讓取以自號非漫云晨夕瞻望何殷勤恍然
勝紫圍層軒終當結屋依巖根人間求辭車馬
喧煉氣服液期還元每招三隱同攀援予亦重
製青霞裙飄飄長往謝世紛尋君洞裏披竒文

牽衣共倒飛瓊尊醉卧忽覺日未曛更邀結騎
向天閭九重下拜玉宸君罷宴瑤池酒半醺歸
來遍歷海上村宛然鷄犬舊田園笑看洞口桃
花繁千歲黃鸝共飛翻徃還五嶽任寒暄隨行
定有雲氣屯壺中日月自吐吞名與兩巖世長
存

安洲行爲譚使君二華公

明時耳厭歌太平兩眼不識甲與兵習習邊風
然候火黑雲亘海恣橫鯨突騎陰馳千鼎鑊江
城日落啼鼙毳羽書夜入錢塘道保障無憂推




范老親提馬士下安洲萬馬連雲嘶碧草劍光
亂雪灑征袍紅錦纏頭戰士豪氣奪天驕無鬪
色投戈下馬向天號昏煙一掃回白日屠腸濺
血城南壕手挈蒼生還枕席復收白骨埋原蒿
昨夜高闐羌笛鳴今夜堞上無人聲昨夜明月
照刀戟今夜明月照空城村樹雲開東嶺塔濁
水既逝江流清野壘無風烏獨噪六月海草還
復生殘馘羸俘不足數郡民除掃迎旗鼓三軍
齊唱凱歌還青衿白帽歡欲舞共說連年寇益
張洗羶蕩穢惟公武仁風義氣蒸海南斯民千

載思羊祜文武兼資世所稀折衝萬里原尊俎
東越晏然王帳開共呼解甲傳金壘詞人雜進
平胡頌百姓爭持牛酒來迺公退讓不自滿風
雲極目何悠哉笑拂吳鉤心自許坐令萬里魚
飛埃功成歸遄報天子請公還上麒麟臺

出郭送遠道上作

荒郊風急枯葉鳴海日無色霜猶疑短蔓鈎衣
石徑滑撥悶扶筇強出城寒山寂歷橫平野澗
水會聲凍復馮遙村渺渺白煙飛別塢蕭蕭紅
葉下對此悽然感遠人浮塵萬里迷通津歲闌



道險適何所極目孤鴻倍悵神徙倚窮途悲阮
籍轉盼高林驚倦翼落日半墮碧山西一帶滄
流浩無極相將曲折度層林懸蘿裊裊清猿吟
暝煙忽漲連峰色殘照還移夾道陰咫尺村家
背林巖暫對麗眉問行後一笑塵心欲盡忘茅
簷共酌尊中綠岢嶇何必蜀道行王陽叱馭由
輕生清霜滿地割馬骨天梯萬疊無時平百歲
光陰飛電速長日空山高卧足祇隨麋鹿漫優
游豈逐鳶鳥常局促長嘯雲根暮靄昏歸來稚
子歡迎門重話燈前慘不寐天涯入夢疑消魂


暮江微雪霽極浦野鷗多客異依劉至舟同訪
戴過酒從深淺酌情寄短長歌日落山前黑牽
衣欲去何

二句得詩盈百自志

違時思大雅凭几壯心空五字存家法諸君重
國風探珠筵並麗得繡座傳紅意氣應猶在長
吟候雪篷

其二

蕪甸常勝會戀景客懷多一石真能至百篇寧
復過聊追下里曲敢比郢中歌短計空消日如




茲小技何

唐名家傳世政不在多余二旬所得如
是且拘以定韻何其不自量哉顧鄙興
所發無能自禁呼酒揮毫殆忘寢食惟
懼頃刻失過從而弛訓咎也或復習懶
杜門經時淡月不接一客出一語追思
舊事參商委棄慨歎擊之則歡會雅吟
在我惡能常得哉重錄漫附所感時丙
子歲小至日次經父題

白雲樓摘律

蔡山人見訪談詩有贈兼示同坐盧生


澄江西接清溪水千峰疊翠連雲起君獨結巢
當其中落筆新詩人共喜慙予隔面久知名高
卧何曾入郡城乘興携琴忽見訪茅堂倒屣歡
相迎爲說古來諸作者文價那能定高下獨憐
太白是僊才千載誰人堪並駕我知斯言良不
誣拍床大笑且狂呼握手登高更懷古天意生
才今有魚憑軒共酌盈尊酒悵望風塵幾回首
眼前萬石竟奚爲爭似高名能不朽相逢擊節
喜論文儻來富貴皆浮雲未俗憐才寧有幾安




白雲樓摘古


尹夢鯉書

能局促在鷄群願君歸向青山卧世上紛華無
足慕歲闌飛雪滿長林子當挾策還相過坐上
盧生許我從高談劇飲應復同笑指青藜莫終
負西碩寒山隔幾重







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.



3462511 v-3



國家圖書館, NATIONAL CENTRAL LIBRARY, TAIWAN, R.O.C



白雲樓摘律目錄

天台玉室道人陳公綸次經父

五言律詩一

第一卷

承調集五十八首


第二卷

滄粟集六十二首


第三卷

寧瑕集六十三首

第四卷



國家圖書館, NATIONAL CENTRAL LIBRARY, TAIWAN, R.O.C.





白雲樓摘律

類詩乙集九

天台玉室道人

承蜩集

五言律詩五十八首

新春

陽開歲忽改臘盡暖初滋雪野春痕淺風江夕
響遲窻疎迷柳眼石黯表梅肌人事隨時好清
輝動玉卮


山栖春望

蒼岫敞柴門飛煙遠欲昏春城依曲水曉樾隱
高原驟暖花爭發初晴鳥共喧有誰能載酒風

白雲樓摘律目錄

餘霞集五十八首
通計二伯四十一首
萬曆歲在丁丑維夏真賞齋摘刻

國家圖書館 NATIONAL CENTRAL LIBRARY, TAIWAN, R.O.C.



月總堪論

雨後登白雲

高岫春來好虛闌偶獨臨江晴清若鏡峰午綠
交陰煙鷺渾迷渚風鳶不戀林濟時空有意未
斷白雲心

穀雨還自郊

穀雨還逢雨江郊負笠回花光綠磴濕峰色近
林開霧嶼分農話風軒覆酒杯浮雲仍滿目日
暮懶登臺

山中有待不至


空亭勞徙倚咫尺踞成遐誤指城頭蓋虛迎谷
口車風花愁欲積煙葉妬重遮獨撫盈尊酒高
歌日半斜

雨歇

雨歇煙初澹晴光上下分凌春高葉益近午亂
花醺一踞蹠紅錦半山穿綠雲感時重對酒天
末惜離群

東郊道上

斜日東郊外晴煙夾道飛林光涵夕渚麥氣上
春衣丹漢心應迴清泉跡未稀望中多遠思北



鴈幾時歸

登樓

春好宜登眺層樓破遠空
開簾萬家雨徙榻半
林風花落輕依塢雲移曲
繞峰閒居非抗俗抱
瑟未能工

孤嶠

孤嶠入雲天登臨意惘然
林春花聚雪江夜月
浮煙水檻哀龍笛松床
咏鴈箋風光異疇昔中
酒感芳年

寒食有感


雨裏逢寒食陰雲黯草堂
牽愁依短檻卧病阻
孤航淺玉懸堤桺輕霞上
野棠寒江空浩蕩不
盡暮山蒼

夢霞子宅咏牡丹

舊得天家種雙叢報並妍
移時留檻外向日憶
尊前艷玉晴含雨繁香
暮合煙徘徊悲國色獨
受主人憐

初燕

春前驚並至接翅舞初齊
乍見踈簾外還逢画
閣西穿花知舊塢拂桺認
前堤日暮飛應倦青



白雲樓律
林何處栖

包園賞牡丹

異種宜名圃春深盡作花千金應莫比萬玉總
無瑕細雨初沾錦輕風忽動霞晚來人已醉倚
檻共歌斜

高眠

高眠依邃谷牢落絕人群浩興窮滄海閒心共
白雲明時仍愛少末俗祗輕文千載猶堪念眼
前何足云

耽幽


耽幽思獨徃容與值芳時花日成霞綺嵐煙散
雨絲鶯歌偏倚樹蝶舞故歌枝玉洞茲無異何
勞問紫芝

華翁尚書邀集北山新館

別館延新酌煙光近席開芳辰臨上巳爽氣接
中台高嘯驚龍卧清歌引鳳迴也知行樂地暫
憇濟川才

春晚

高檻對江湄遙看景自移山深雲作簇樹密雨
成絲暮色迷平仲春聲入子規躊躇空有憶多



病是花時

山步

何人更委形共向山中行散步空林寂閒看遠
水明竹陰踈夾逕霞色淺依城日落臨孤檻愁
聞杜宇聲

湖上同友生

春晴湖水濶倒影遠山多睡鴨驚風柳翻鷗瀉
露荷平波清展鏡曲渚綠裁羅艷景看無際臨
流發浩歌

幽賞


幽賞從吾好蕭然竹石間飛塵不到處流水自
成灣林坐陰頗徙峰尋鳥共閒忘言日已夕杖
策傍雲還

山夜

積翠坐中分山扉抱落暝客尋初夜月鳥宿半
山雲高葉披風響孤花浴霧芬不堪清思發橫
笛起江濱

高卧

高卧未為迂何門可曳裾桐陰晴逕匝雲色晚
窓虛絕俗常懸榻耽閒不著書雖無司馬渴暫



學茂陵居

三月望後立夏

歲序驚流電逢時笑陸沉花留春季月樹改夏
時陰日轉孤峰影風來好鳥音悠然得深省卧
石罷鳴琴

書感

濃翠落高空晴巒一逕通林軒無暑日石榻自
薰風脫憤情偏適攤書意未慵懷人渺何許目
斷海霞東

山中同岐海子

山居淹物序維夏復經新林密陰生暝花稀氣
襲春清尊聊遣興白苧乍宜身謝俗須頰至雲
山是比隣

子規

春去愁無賴那堪聽子規千林驚並急五夜恨
兼遲月落回孤夢雲昏動遠思祇應關塞外腸
斷向斯時

中林

中林覺夏好習靜日來頻折笋留狂客看雲共
野人藤陰迷鳥踏山翠接花茵迴望風塵隔空



慚木石身

四月朔南衡公邀同華翁集三溪水館
芳尊開首夏水檻集群賢綠散臨流樹蒼浮夾
岬煙鶯歌嬌和曲魚躍喜依筵盡日清歡足何
勞沸管絃

重理山榭

江梅愁入夏倩客理茅堂纍石防敵壁刪蘿損
弱篁梧陰斜蔽席山翠近圍牆避俗須常到寧
容三逕荒

山眺


夏木幽通壑芳蹊背郭分人來依密葉鳥去沒
高雲遠水波無定孤峰勢莫群相看終不厭虛
檻自斜曛

夢霞過話山中

層巒開宿雨客至問鷺群並坐林中石同看江
上雲澗聲依檻落鶯語隔花聞呼酒饒狂興高
闌倚夕曛

獨夜書感

暝色亂山前涼宵客未眠停燈騫竹鳥汲澗撼
峰煙孤笛臨江起雙磻傍郭懸離心阻寥廓愁



絕若為傳

邦叙甥邀集水館

樓臺瞰碧漪
四望動清輝
蘿黑垂牽蓋
花明仄照衣
彈碁當燕壘
把釣向鷗磯
延賞那嫌夕
重期咏月歸

晴睡

霽景分遐矚
清流帶近郊
軟苔迷鹿跡
灌木隱鴉巢
雲自縈新態
花重吐舊梢
最憐箕坐處
籠日竹初苞

友生過山樓

意與風塵隔
情因水石親
登樓青漢近
入座碧梧新
好客頻中聖
逢人獨任真
飄然忘去住
一笑却遺巾

卧起

卧起山窻午
孤懷黯欲迷
披衣坐碧樹
捲卷問黃鸝
處世忘幽壑
違時背曲蹊
年光任流轉
物理自天倪

山居漫述五首

屏跡稀人事
幽栖與鶴群
近涼催洗竹
薄暮待眠雲
虛澗搖窻影
疎苔散石文
最憐春已去
杜



宇月中聞

其二

春隔花猶爛庭榴入座明蝶慵驚驟熱鶯擲喜
新晴飯罷宜高卧朋來懶出迎沉淪吾不厭何
事更求名

其三

石床頻起坐長日忍低眉浩興能投轄高蹤媿
下帷層林依岫靜懸磴入雲危寄謝高陽伴頻
來却是誰

其四

偶然隨所適不記往來蹤陟嶠層層迴攀蘿曲
曲通橫江平照日高樹壯舍風漫說南陽近那
堪比卧龍


其五

虛齋長夏好新綠散階除薜荔堪為服梧桐可
供書每停高客駕獨勝野人居搔首江雲晚無
心自捲舒

山栖坐雨

山雨晚淒淒林煙接市低新流巖亂發暗葉逕
旋迷綠蟻摧人意黃鶯恠客啼終朝思撥悶拄

NATIONAL CENTRAL LIBRARY, TAIWAN



頰小樓西

次酬容翁尚書枉懷

海宇推名德尊忘列鼎家百齡人獨壽四座客
薰嘉局散雲歆石壺傾月上花祗應僊窟近服
食厭丹霞

坎壈

坎壈成何事青林獨閉關嗜茶思顧渚採蕨問
商頰結客傾三雅從人乞九還方壺知不遠無
計出塵寰

小圃


小圃環蒼翠居然照眼新槿籬才並鶴草徑僅
容人鋤雨經還帶穿雲策每巡日斜無客到隨
意卧苔茵

容翁枉話山楸

習家慚小隱高興枉山公霽入晨煙迴陰交夏
葉重據梧延塵月前席轉清風更說新涼好携
尊日過從

幽居

幽居獨徃還蓬戶不須關迳日籠筠薄厓苔雜
兩斑層軒遙對海古樹密蔽山未斷時艱念聊



國家圖書館 NATIONAL CENTRAL LIBRARY TAIWAN

開醉後顏

喜雨

夕晴農失望乍雨客添情驟作翻江勢高爭入
樹聲晚雷輕轉地潤氣重依城麩藥謀生足開
尊不忍醒

黃養齋郡丞來傳顧高士季狂卒于閩
盖甲戌冬也詩以悼之

忽得武夷信伊人近已僊山陽昨夜笛北海舊
時筵竟誤丹砂訣空傳白雪篇吹燈檢遺草誦
罷歎潸然

石臺


石臺高俯郭孤睡意悠然雨霽半江蝻風涼滿
樹蟬拋書閒掃葉據槁待烹泉朋話那知夕歸
時峰月懸

水館與客時將別去

憐君饒雅趣水館暇同過峰色晴窓潤禽聲晚
樹多採蓮因載酒擊楫為翻歌共樂猶嫌淺如
將遠別何

送歐子歸三山三首

知爾淹留意經年始告還片帆綠九曲疋馬問



三山住處雲生席歸時月掩關莫因登眺罷惆
悵赤霞間

其二

旅食那嫌久初來記客秋遠從欣御李忽別感
依劉棠蔭停行騎琪花對驛樓何時能復至勝
地與重遊

其三

入幕推清望論交挹蕙芬名山慙地主雅會探
竒文未厭隨花鳥那堪隔水雲尋真曾有約寄
謝武夷君

代別二首


延望踞悠悠紅亭重別愁閩雲連岫遠越水接
天浮為客曾經歲還家復及秋那堪明月夜獨
上海西樓

其二

相送赤霞邊清風敞別筵江蜺朝吐雨嶺樹夏
藏煙月下思嘉話花前誦雅篇離心應易劇無
際是閩天

寄養齋公閩中

蘭室歡猶淺霞標悵復違歸先江鴈至念逐嶺



猿啼劍躍隨龍遠詩截並斗輝西風倘相憶莫
遣錦箋稀

晚自幘峰尋東麓支逕而歸漫述

登山興不極言背夕陽歸詰曲經迴嶺高低
遶亂靡石稜妨鳥路藤刺上人衣遙羨晴江上孤
帆去似飛

白雲樓摘律

白雲樓摘律

類詩乙集十

天台玉室道人


滄粟集五言律詩六十二首

憶天台諸勝二十首

新秋命伴將尋天台諸勝于時殘暑
未除人事方糾未遂杖屨悵焉有憶
各著乎辭書似同志

憶國清

我憶天台勝國清隱翠巒近門雙澗靜入寺五
峰寒霞色通煙塢松聲滿月壇何時一長嘯呼



猿啼劍躍隨龍遠詩截並斗輝西風倘相憶莫
遣錦箋稀

晚自幘峰尋東麓支逕而歸漫述

登山興不極言背夕陽歸詰曲經迴嶺高低
遶亂靡石稜妨鳥路藤刺上人衣遙羨晴江上孤
帆去似飛

白雲樓摘律

白雲樓摘律

類詩乙集十

天台玉室道人


滄粟集五言律詩六十二首

憶天台諸勝二十首

新秋命伴將尋天台諸勝于時殘暑
未除人事方糾未遂杖屨悵焉有憶
各著乎辭書似同志

憶國清

我憶天台勝國清隱翠巒近門雙澗靜入寺五
峰寒霞色通煙塢松聲滿月壇何時一長嘯呼



酒獨憑闌

憶赤城

我憶天台勝赤城古洞天連門通異境傍郭絕
人煙龍卧金書隱鶴栖琪樹懸何時一縱步孤
望意悠然

憶華頂

我憶天台勝華峰倚碧霄寰中塵已隔天上躡
非遙曉壁雲長滿陰厓雪不消何時一登眺懷
古叢長謠

憶石橋


我憶天台勝石橋懸翠微雙流寒瀉玉千嶂澹
舍輝並澗靈瓜熟沿涯芝艸肥何時一超度身
與白雲飛

憶桃源

我憶天台勝桃源二女家洞開曾採藥溪淺尚
流花峰絕孤雲迴林疎細雨斜何時一邂逅相
對飯胡麻

憶萬年

我憶天台勝萬年開士林層巒分曉霽古木亂
秋陰花墜知天近鍾殘覺徑深何時一倚眺終



遂壯遊心

憶佛隴

我憶天台勝燈傳佛隴分長明瞻慧日無住戀
慈雲銀地名猶布金聲賦不聞何時一借榻重
為譯經文

憶天封

我憶天台勝天封古刹幽玉蓉浮檻出銀渚逸
簷流碧淨厓舍旭紅酣樹入秋何時一步屣終
日任淹留

憶桐栢


我憶天台勝通真桐栢宮雲房遺玉笈丹洞隱
金容夜午夜悲月秋高鶴唳空何時一信宿茸
戀紫芝藜

憶玉霄

我憶天台勝玉霄高入雲碧幢諸嶂合清磬半
空聞地迴停鸞馭林深聚麋群何時一躡僑石
室啓玄文

憶瓊臺

我憶天台勝瓊臺擬嶽形桂藜紛翠壑芝蓋偃
青冥絕頂朝觀日空壇夜禮星何時一高嘯回



首渺層城

憶雙闕

我憶天台勝中天雙闕開茅峰龍乍過緱嶺鶴
初回憇足雲為席延眸海若杯何時一飛鳥高
處俯蓬萊

憶廣巖

我憶天台勝幽清說廣巖苔文綠古壁香篆漫
虛檐樹色晴移檻山光暮捲簾何時一高卧解
脫夢初酣

憶寒巖


我憶天台勝寒巖僊子居洞煙蒸玉髓潭氣結
霞裾瘦竹懸厓仄踈松曲逕虛何時一閒步手
挽五雲車

憶明巖

我憶天台勝明巖人跡稀青天屏不礙白日瀑
爭飛雲磴陰千疊松床翠四圍何時一縱目容
與自忘歸

憶隱巖

我憶天台勝隱巖抱郭幽暝霞依石檻秋靄敞
林丘愛靜留閒客脩真屬道流何時一偃仰近



戶水雲浮

憶無相

我憶天台勝久知無相名奇觀標十景清夢悟
三生午榻依雲定秋鍾候月鳴何時一獨徃竹
下坐翻經

憶瀑布

我憶天台勝重崖瀑布懸銀河常墮地玉竦忽
橫天照日全成彩吹風半作煙何時一徙倚濯
足向長川

憶三井


我憶天台勝紺寒三井同丹存曾洗藥雲滿昔
投龍河漢天光發滄溟地脉通何時一拊手試
酌滌塵骨

憶恠松

我憶天台勝恠松長自青搏空迴鳳勢翻水作
龍形宿月宵成幻蔽風晝效靈何時一翹首濕
翠灑虛亭

兼憶地主印臺子

我憶天台勝因思地主嘉尊開千日醞坐接四
簷花高咏調青鳳孤標馴紫驂名山應有分携



手弄煙霞

秋晴登白雲樓

秋入嵐初淨晴交氣益清逸樓多樹色滿檻亂
蟬聲嘯倚峰雲白狂思海月明西風日復急客
恨幾時平

夢霞過集山中

過逢似宿緣置酒味涼天峰隱半江日門羅滿
樹煙經秋無旅馬及暮有吟蟬愛爾能懷古高
談席屢前

某使君喜雨冊


使君懷濟物誠至感滂沱望處知年稔聽時覺
夜多崇陰浮曉郭桃色映晴波終慰為霖望天
門想玉珂

有蜂常宿筆筒感賦

山蜂如有識棲止筆筒深意別游文圃情孤戀
墨林動隨臨蠆尾間逐夢花心却訝吟難就烏
鳥效爾音

登樓

登樓藉暎豁杳渺出層阿遠郭平吞海高林仄
靛蘿五雲看不極八月恨偏多彼羨空延佇重



聞黃鵠歌

閒居二首

秋高愁易染底事厭閒居醉後狂搔髮吟餘倦
枕書城煙當戶暝海月入簾踈自戀尊中物浮
華總不如

其二

寒色晴偏遠青山遶敞廬樹踈蟬歇後江冷鴈
來初籬豆綠虛檻簷流接淺渠無從成遠計有
意學樵漁

夜坐


寂歷門初閉閒憑遠恨生孤城垂暮色萬樹入
秋聲露下芙蓉老燈前蟋蟀鳴欲知消積抱終
賴玉壺傾

寄岐海子病中

憶爾高齋面經秋伏枕違青門瓜已熟白社會
應稀落日舍峰瘦孤煙點樹微西風江上郭忍
見鴈初飛

夢霞子過酌艸堂

多君能在策石几共評書自忝知心舊翻嫌見
面踈縱言添鼎茗隨意欺園蔬更道秋風好澄



江可鱸魚

次荅蔡毅所重賦山樞

獨據崇山勝四圍
梧竹多蘭亭應似此
逸少近如何
峰色晴偏好
林風晚更和
未嫌登陟倦
有興即相過

次荅黃青荜枉寄并白雲樓圖

羨爾清芬滿玄心
繫薜蘿孤亭遙望處
千嶂奈愁何
逕晚黃花細
江秋白馬多
瑤華勞遠贈
計日定相過

次荅黃九野枉寄


山中曾枉策積雨值初晴
林靄移時沒城霞近暮
生花明留客醉竹靜傍人清
何事經秋老孤鴻隔海城

同友生出南郭飲村家有述

清秋出南郭疊嶂逸長川
小迳依紅葉孤扉隱白煙
村醪聊共醉籬豆亦充筵
歸去何嫌晚斜陽問古阡

重陽先一日友生携酒白雲樓

白髮王維興邀賓共勝遊
佳期先九日行樂遂三秋
脫帽歌緣徑餐英醉倚樓
明朝白雲外更



上萬峰頭

山樓漫述二首

未決行藏意秋殘日倚樓川光浮榻媚嵐氣入
簷幽雲木饒雙鬢煙花散五侯袖中餘短刺終
巖可誰投

其二

世事安能測天涯空爾思消愁惟託酒遣興只
憑詩霜染梧多日風催菊後時青蓮如可問入
社未嫌遲

寄岐海


每憶深春候山中數自來尋芳歷巖嶂載酒過
亭臺隔面時三換愁腸日九迴遙知秋興劇誰
共菊花杯

印臺再枉書問尋山之期漫答三首

未踐登臨約重催牘屢聞高風能好客近日却
憐君鴻逝慙孤嶠鸞從阻片雲竹闌空徙倚羞
展北山文

其二

懶慢虛遊屐窮秋負遠期名山頻見夢歡會久
成思月吟踈巖桂霜清瘦玉芝高真肯相待共



泛碧栳卮

其三

百里迷雲磴，低回秋轉闌。
人間辭不易，僊境到應難。
琪樹花欺雪，金庭石以丹。
會當諸宿願，醉卧玉霄寒。

屏居

屏居耽寂寞，人事不關心。
拙任終年卧，閒多畫日吟。
雲踪迷脱岫，霄翮喜晴林。
嵇阮真堪慕，那無酒病深。

看山


看山足孤興，野迳細含苔。
林雨晴猶濕，江雲冷不開。
泉聲喧別澗，鳥跡遍層臺。
自是須頻到，幽香探古梅。

遠步

遠步隨流水，尋幽每獨來。
山深花失主，迳僻艸無媒。
少立看猿下，前行畏虎迴。
未圖逢盛世，終放長鄉才。

寒原

寒原分薄暝，高巘對柴門。
紅葉欺霞色，清流浸月痕。
僧鐘來近刹，漁火出橫村。
獨步尋歸處，孤



槎影半昏

偶述

野濶蕪雲迴江虛共雨昏為渙安澤國用拙守
柴門水宿葺煙舸花遊墮月尊有時聊遣興詩
就獨銷魂

賦閨情

無從收玉筯寵隔妬意紗春夢翻愁蝶晨粧失
臉霞眉長空似月燭短不成花坐倦簾空捲羞
看斗欲斜

自戀


自戀孤雲晚遙憐海樹蒼長貧諳俗態多病習
醫方詩拙隨時改醪清為客葺天涯遲錦字朔
鴈絕江鄉

贈蓋竹丈還自京

久狎江鷗侶重攀野鶴群一尊聆白雪萬里問
青雲僊掌霑新露瑶林挹舊芬子虛應有賦不
遣世人聞

入夜

返照隱重翠斜風動竹門林煙成暝色海岬上
潮痕鴈宿思枯葦人歸浣壞垣愁心驚不寐月



裏響窮猿

不寐

不寐緣何物，虛齋夜已深。寺鍾渾不住，城柝似相尋。星白窓疑曙，河沉燭轉陰。天明猶莫測，宿鳥語霜林。

山晴

高岫逢晨霽，寒雲滌遠空。小樓開萬井，虛牖納千峰。樹靜眠山鵲，沙明點塞鴻。客來歡促膝，霞擁酒杯濃。

聞笛


笛聲起江郭，清夜獨登臺。漢月明傳恨，吳雲亂結哀。梅花寒半吐，楊柳凍先摧。何事山陽客，偏懷曠世才。

黃華石

黃華古僊客，依隱近江流。脩真歸碧落，采藥下丹丘。尚憶乘龍處，猶疑駕鯉遊。至今尋落幘，人說在峰頭。

茅君井

僊君好服食，開井自秦初。暫向玄洲戲，言從金嶺徂。舊鼎埋芳艸，遺丹貫玉蝓。嘉平今再遇，誰



為撰貞符

雪中邀諸丈山集

雪真能解意瀟灑集山家幽谷旋生白荒林故
作花寒憑尊酒減風倩紙屏遮幸踐中峰約高
闌咏物華

新歲二首

九天開曙色萬井散祥煙乍暖逢元日初晴勝
舊年即看花發樹更遣鳥歌筵自喜從茲羨春
風處處妍

其二

江圻乍發春淑景啓佳辰山意晴添好花心日
競新幽尋即遣俗靜戀不通塵萬里思孤翻輕
波渺去津

偶述

玄機渾不息幻景浩無窮萬岫齊成翠千花並
發藜豹斑知易識犀點恨難通遙待月圓夜清
光如許同

賦得泰岳胤秀為李使君

崇高稱泰岳蒼翠倚天開毓秀歸名裔昭靈屬
異才為霖通下國捧日近中台翹首興賢地曾



占紫氣來

喜雨冊為李使君

五馬暫春行隨車甘雨零積誠迴赤地留念慰
蒼生桃李欣添色素麻喜各成璽書何日至召
對入承明

白雲樓摘律

白雲樓摘律

類詩乙集十一

天台玉室道人

寧瑕集


五言律詩六十三首

閑戶

孤燈照回壁閑戶復誰親白雪寡知已黃金多
故人鶴心非解歲松性不隨春斲地終何止滄
江有釣緡

水檻

水檻臨魚際愁憑永夜闌江深山復寂閣迴月
多寒猿掛松留影魚翻石動瀾梅花吹未落孤



占紫氣來

喜雨冊為李使君

五馬暫春行隨車甘雨零積誠迴赤地留念慰
蒼生桃李欣添色素麻喜各成璽書何日至召
對入承明

白雲樓摘律

白雲樓摘律

類詩乙集十一

天台玉室道人

寧瑕集


五言律詩六十三首

閑戶

孤燈照回壁閑戶復誰親白雪寡知已黃金多
故人鶴心非解歲松性不隨春斲地終何止滄
江有釣緡

水檻

水檻臨魚際愁憑永夜闌江深山復寂閣迴月
多寒猿掛松留影魚翻石動瀾梅花吹未落孤



夢怯春殘

孤眺

孤睡情偏適
遙林杳渺間
人來城雨歇
鳥散閣雲閒
暫對談秋水
因同臥晚山
尊醪如可致
一酌解愁顏

次荅內方子見寄二首

東風吹碧艸
又送別離愁
水引城雲合
峰迴石路脩
春鴻依遠島
晚樹上空樓
無限婁其思
月明江上洲

其二


曾憶同遊樂
其如恨別何
新篇知興劇
舊榻恹塵多
雨色青離浦
花陰碧澗阿
葛巾堪漉酒
三迳待重過

代簡荅見雲宗丈

別去復何久
書來慰遠鷗
心經歲阻鴻
影入春稀島
月虛懸鏡林
花繡上衣感
時重悵望日
暮海雲飛

上巳雨

雨裏逢三巳
風前望九春
艸迷稽嶺席
花暗洛川輪
不見揮毫客
空思捧劍人
孤舟明叢在
重



采越江蘋

出郭訪丹丘生不值

東門半里地蘋到定無
嬾花夾依門樹雲明當
几簾同心催興發隔面遣愁添
回首思傾倒斜風動酒帘

次答大有見寄二首

去歲櫻前別鴻冥不可攀
曾臨孫檻外似隔片霞間
艸色連長道方情寄小山
幾時能杖策重對白雲閒

其二


自失花源踞經時夢碧桃
清吟緣興發長恨共春消
龍臥江雲迴鶯啼嶺樹遙
有懷頻倚檻新月夜寥寥

草閣

草閣懸江渚高林暖色浮
啼鶯蔽碧葉嬌燕撲清流
雨罷峰如拭煙垂野欲收
倚闌人自遠日暮若為愁

道院坐懷

文編殘不理院晚坐移陰
未授青霞訣空派白雪音
舟車迷往跡猿鶴候歸心
翻怪春猶在鶯



穀滿舊林

次答丹丘生雨中見懷三首

積雨迷層郭愁看思欲狂
白分江嶼靄青散野田
秧坐葉鶯頻濕銜花燕
並忙無緣從杜老重賦
綠沈槍

其二

溪橋經日斷新水沒魚床
無客尋花徑誰人倒錦
囊春愁牽碧玉午夢覺
黃梁有興追前約依
流泛羽觴

其三


雙扉臨鑑曲水色雨餘多
煙渚踈翻驚風瀾細上
荷殘芳紅結隊遠草碧
成窠悵望情無賴誰
傳撫在歌

縱步

縱步石林幽閒居負壯遊
江光明欲暮峰色淡
疑秋鳥傍雲歸樹風
吹葉墮樓輕寒生薄
袂疑望若為愁

大有枉話林亭覽扇上杜句致感

相對虛亭久塵心一笑
休樹交陰欲暝風入
凜成秋慷慨逢青眼
棲遲媿黑頭芳名如
可企高



味擬風流

敬翁司寇枉集山栖兼題門帖

雲栖寧厭僻高憶肯垂過
顧步開荆棘虛懷到
薜蘿晴交花結幕暄促鳥為歌
彩筆留光焰長
疑斗氣多

入山栖

靜勝思虛構重尋遂欲荒
江光城表出鶯語樹
深巖望極孤雲細愁消
六月涼憑軒無限意
紫氣渺何方

山栖納涼招夢霞子


山檻頻東望同襟念豈忘
幽栖堪却暑小榻願
分涼風促蟬聲亂雲交
竹影長清歌能竟日何
必醉為鄉

招夢霞不至重寄

虛亭炎不到敬坐久須君
石氣侵蒼水峰光動
翠雲梧壇宜賭奕芸架
縱彈文俗鞅何能繫終
期出垢紛

華翁宗伯招集巖居

愛客移山榻晴新花滿庭
松簷圍碧落石几俯
滄溟香醞涼堪盡芳歌暮
未停有懷頻引眺霄



外亂峰青

近秋山居書感八首

幽臥同羈旅先秋發遠思懷人江上笛待客竹
間碁野曠鳥飛疾林深月過遲海雲高不極霖
雨定何時

其二

風雨瀟山樓蕭條復近秋殘花猶傍砌孤石豈
隨流松色涼牽夢鶯聲晚送愁何緣離世網恣
意五湖遊

其三


息交稀枉轍澗飲廉為群竹暗晨連靄江晴晚
出雲千時慙五蠹好古辯三墳倦臥林陰足吟
蟬細細聞

其四

夾竹小門開涼新幾度來徒存漱石興欲老濟
川才問鴈隨秋至聽猿入夜迴祇憐纖月好作
意照山杯

其五

陰森群木合寂歷似村家白簟依雲直青簾捲
日斜山尊遲竹葉城笛問梅花佳會憐牛女無



從泛海棹

其六

曲迳背江津，虛亭絕比隣。
日來蓬轉盛，雨過竹添新。
懶慢忘時態，垂疎任俗嗔。
孤松連木榻，長掛小烏巾。

其七

涼多抱郭川，拄頰小樓前。
高樹聲兼雨，疎峰影接煙。
自知琴裏趣，莫辨酒中賢。
默坐空林寂，翻疑入定禪。

其八


脫衣忘盥櫛，避客納涼來。
倚樹頻驚鳥，穿雲忽破苔。
江聲歸曲檻，島色引高臺。
往事那堪問，臨風賦七哀。

湖上二首

臨水坐移時，新涼起碧漪。
乍看荷結綺，忽值雨垂絲。
振鷺催歌數，嘉魚出釣遲。
祗緣清興劇，竟日困金卮。

其二

徙倚碧湖頭，玻璃萬斛浮。
柳深涼岬鷓，蒲細靜盟鷗。
川上疑聞嘆，鏡中真作遊。
日斜煙欲盡，夾



峴晚山稠

七月朔夜

滄海淹孤枕，經時倦薄遊。涼方生永夜，序已屬初秋。河鵲喧依樹，莎螢壯入樓。遙知明月好，不索朔雲浮。

七夕同諸公舟泛

七夕煙初霽，僊舟泛習池。人間茲勝會，天上復佳期。蘭氣薰杯細，蟾光接水遲。媿從霄漢侶，長挹露華滋。

立秋回首


秋色引城隅，風初颭碧梧。未須論擊隼，聊復效思鱸。殘笛含煙斷，新砧候月孤。感時重有憶，徒坐問隣沽。

其二

雙鬢隨秋短，吾生信是蓬。聽蟬今日異，問鴈幾時逢。巖樹櫻中落，江煙郭外重。為謀山釀熟，頻遶菊花叢。

其三

孤檻分遐暎，西風入袂初。江喧逢雨漲，嵐淨覺林疎。莎色迷高岼，蛩音出短除。即看鴻鴈至，倘



有北來書

其四

搖落怯秋風淹留尚越中雲晴迴鶴鶴江夜靜
魚龍亂葉銷峰碧餘霞逗檻紅更憐涼月滿誰
許一尊同

七月十四夜同海鶴山人白雲樓看月
孤閣逢良夜揮杯共浩吟雲開青漢影月散碧
梧陰霽色虛沈榻秋聲淺入琴那知天末恨幾
處斷清砧

十五夜重登山樓看月


高情仍此夕呼酒復登樓爽氣臨江海清歌到
斗牛月明山似畫風凜樹俱秋搖落那須問憑
闌憶遠遊

十六夜艸堂看月同霞石山人

山樓昨夜月又向艸堂明踈失梧桐影涼添蟋
蟀聲秋懷憑酒減夜恨逐砧生試問霜前鴈能
無寄遠情

十七夜艸堂獨坐對月

虛簷孤坐久門靜夕煙收月出光相向尊開影
共酬林幽雙鵲定莎遠一螢流橫笛因風至偏



驚王塞愁

十八夜對月

西風動客心高閣每登臨五夜月猶滿三秋氣
漸深鍾殘後送響席徙樹留陰短句聊乘興知
非白石吟

索居

索居不解愁佳節况逢秋舊興知猶在新詩覺
近優聊營一日具更計百年留眼底俱長物從
人何所求

雨


冥冥孤郭雨忽漲碧江流色助山窓暝聲傳野
樹爍蕪風藤子落雜靄豆花浮高臥情難愜空
懷澤國憂

寄丹丘生

離心復及秋只隔片城頭市隱寧為僻巖柵未
當幽林涼蒼靄密湖淨碧煙浮見說園瓜熟還
期覓故侯

用韻重答李子二首

山水澹迎秋丹青憶席頭門通江氣冷座逼石
林幽猿嘯清還劇鷗心迴自浮莫緣淹歷落後



暗失隋侯

其二

楚客獨悲秋行吟滄海頭
鷄栖常戀越鴈徒欲
辯幽天濶千峰亂江虛孤月浮
狂懷空萬里談
笑恥封侯

幽迳

涼風洒幽迳行跡未應稀
秋淺呈黃葉煙深隱
翠微鳥栖才覺定蟬歇
又知飛日落聞漁唱孤
舟何處歸

寄友生

索居驚物叙鴻鴈近秋期
獨感經年別那堪竟
日思葛殘風乍冷桂老
露初滋石几荒餘蘚論
文更幾時

晴同岐海登寒明山閣

携詩共客行山閣坐新晴
涼好披風細虛堪候
月明添扉通樹色轉榻
引江聲鱸膾那能淨偏
增張翰情

同夢霞邦性重登寒明閣

新秋澄霽景散日復吾曹
山勢盤城曲雲容倚
閣高揮毫分夕照下榻
動江濤極望薰葭老悠



然憶楚騷

送王公子昂季歸漢陽三首

公子荆南秀從親越水遊珠連青嶼潤壁合赤霞浮戲彩春花曙傳經夜雨秋歸懷與明月遙
映洞庭流

其二

使節遺仁愛人稱衆嗣賢植槐知麻後攀桂擬爭先玉面傾芳苑金聲擲綺筵重來繼嘉績棠誦喜猶傳

其三


征軒那可住別思黯江濱鴈背三秋影蘭遠九畹芬看雲憐並策對月夢離群漢水鯉魚在憑將尺素聞

寄友生江舍

亂石緣流迳殘花抱郭居林光舍日澹江影入天虛薄暮龍吟笛深歔鴈絕書獨逢簫瑟候高興合何如

次少洲子枉集山栖記賦

虛谷涼猶淺庭梧碧乍消煙迷迳樹鵲風斷入簷蝸把酒開懷抱憑闌望次寥落霞空在目撫



枕向長宵

客心

客心秋不愜倚杖望雲昏
江色連城隱林聲雜
雨喧獨將詩遣興誰復賦
招魂愁絕南征鴈何
時到海村

月

秋宵月乍圓坐待向層巒
雲徹疑開鏡天傾欲
倚闌映梧光不碍當席影
尤寒濁酒誰能致還
應到曉看

送江贊郡轉青田簿四首


經年淹郡幕重感物華新
直道誰知已仁聲自
入人臨江孤月曙渡嶺
萬花春抗手休憐別相
期在致身

其二

攀轍情何限驅車向越西
雲途方驥展山縣復
鸞栖遲日棠陰滿薰風
艸色齊願言崇遠業清
秩待重躋

其三

道合清時試名高定不虛
在官留玉雪之任載
琴書濟物真能事親民
亦美除遥知好溪水慎



莫厭懸魚

其四

論文敦雅好離索意如何江騎連宵跋山城計
日過千村侵水窄萬岫入雲多載展文成廟為
余一浩歌

白雲樓摘律

白雲樓摘律

類詩乙集十二

天台玉室道人


餘霞集五言律詩五十八首

新得黃冠

僊籙終應授黃冠始見分形新依月樣製朴省
星文自稱脩冊訣兼宜禮白雲勿因青鳥使還
借紫陽君

索居二首

索居秋忽晚江海念同遊石磴經霜滑城煙入
暮浮細泉通竹淨踈壁俯窻幽落月驚殘夢新



莫厭懸魚

其四

論文敦雅好離索意如何江騎連宵跋山城計
日過千村侵水窄萬岫入雲多載展文成廟為
余一浩歌

白雲樓摘律

白雲樓摘律

類詩乙集十二

天台玉室道人


餘霞集五言律詩五十八首

新得黃冠

僊籙終應授黃冠始見分形新依月樣製朴省
星文自稱脩丹訣兼宜禮白雲勿因青鳥使還
借紫陽君

索居二首

索居秋忽晚江海念同遊石磴經霜滑城煙入
暮浮細泉通竹淨踈壁俯窻幽落月驚殘夢新



鴻過小樓

其二

酒伴招難至幽禽空好音
獨行黃菊逕遙望赤霞岑
溪渡寒霏濕林蔽晚氣陰
獨憐舟楫在空有濟川心

棲霞道院小憩

古樹隱僊壇經聲靜竹關青
霞依岫轉白鶴閃空還有問
非為道頻來未覺閒
岍冠空抱媿回首憶商顏

秋雨三首


秋杪經旬雨踈風不作寒翠重
松偃座黃褪菊垂闌城靄連
平楚江煙曳急湍高齋空對
酒無伴若為歡

其二

近冬方恠熱江雨日庶纖煙
隔輕迷樹風翻細上簾無時
更白苧何處覓青帘
遊檻違狂興終宵憶彩蟾

其三

連朝江閣暗亂靄幾時開
爭怕三冬雪真愁四
月梅聞多還掩卷望久且
銜杯念我應誰是衝



泥肯獨來

同歐瑞山雨集三溪水館

晚雨翻簾細層軒乍滿風同來牽薜荔並坐贈
芙蓉鷗狎池光淨霞欺酒色濃客懷堪自慰徒
倚海煙重

應使君別業同歐子雨集二首

別業臨層漢清歡湛玉窪白扉收郭雨朱檻宿
江霞逕轉松欹翠厓懸菊倒花狂歌引蘿月一
醉渾忘家

其二


雨裏宜登眺高虛豁素襟芳枝寒比玉泉響靜
如琴疊石舍昏靄藜篁闕夕陰東山聊共適未
卜謝安心

晴

積雨喜初霽高涼愜杪秋日生籬菊艷煙欽石
林幽竹嶼交晴翠莎汀咽晚流新醪如可瀝命
伴作清遊

孤亭

孤亭懸碧落小逕入雲斜秋盡梧飛葉霜微菊
懶花江迴當石檻煙起是漁家極目滄波在空



思犯斗槎

寄岐海子

竹樓高委巷避俗且高眠峰迴天依樹江虛月
抱煙會稀鴻鴈後思斷赤霞邊籬菊應堪把誰
人乞酒錢

初冬雜興四首

落木寒城滿平蕪帶遠臯雨深行轍盡江漲去
帆高竹淨光浮席苔新色染袍恠來清思發得
句近風騷

其二

遠空凝暮碧長薄總蕭條墜葉因風舞飛煙著
樹消斜光分嶂日遠響送江湖北鴈隨秋斷孤
亭倚望遙

其三

乍霽冬還始山川盡壯觀搏風霄鶴疾背日野
楓殘晴壁依門好霜花入鏡寒今宵應有月作
意獨憑闌

其四

感時吟乍歇竚立得餘閒小逕飄疎葉孤亭列
遠山霜餘黃菊勁煙霽白鷗飛偶覓金丹事西



隣杖策還

偶出

暫晴因偶出石路轉谿處處堆楓葉家家聚
菊花步依江岼曲坐傍郭陰斜孤嘯餘長恨荒
林數暮鴉

峰眺有懷

峰頂宜長睡攀危石逕遙晨光分絕壁霞綺結
層霄亭隱街山日江傳到郭潮憑虛懷子晉何
地學吹簫

友生過話夜酌


不見思長切相看氣益豪擊壺雲忽暝倚劍月
初高坐倦花移席歡濃酒滲袍近知勞負鼎吾
意欲懸鉞

有憶

名園思倚策籬落近城幽繞樹踏黃葉臨池枕
碧流孤雲依薄暮幾日隔深秋咫尺風光在頻
疑入夢遊

次荅黃大有兼邀話舊

曾共山樓話因知出俗心瑤華驚擲座文燭喜
依林逕菊霜枝重江鴻暮影深清尊憐舊雨重



對薜蘿陰

江干

江干從緩策古渡夕陽來鴈靜沙初暝雲移听
欲迴孤帆天更遠雙鬢歲頻催長笛蕪葭外斜
風自落梅

西郊送客

黃葉西郊踏青山傍郭幽風生兩岬樹浪逆半
江舟竹墅深蕪賞桑疇靜更留浮雲迷遠騎孤
望若爲愁

江行


島嶼寒無際孤舟破浪輕偶爲江上泛翻入鏡
中行出浦風初定迴汀月乍明布帆何處落極
望水煙平

懷夢霞子山莊

臨望多牽思城隅海色寬風高頻入樹日落獨
憑闌匹馬還山暮孤鴻背水寒籬邊殘菊在把
酒共誰看

重出郭送客

蕪甸重出郭已覺杖藜忙嶺樹霜添赤汀蘆日
射黃塵高停客騎鴈下近漁航漫寄天涯字江



湖念不忘

野屋

野屋深林裏，清晨曳屐過。古疑松化石，寒恐菊
為莎。坐處凄風急，移時落葉多。新冬愁不禁，歲
暮復如何。

同四五友生閒步東郊

群賢秉暇日，並策郭門東。石澗虛涵碧，村林亂
疊紅。行歌晴垵仄，倚睡暮山重。任達真能事，煙
花興不窮。

夜


日夕罷行遊，齋居群慮休。山空林吹寂，江濶暝
雲收。寒逼霜侵袂，更殘月近樓。祇憐孤燭影，分
照石門幽。

孤鴈

孤鴈有深意，南來戀並飛。風波一失侶，月影自
相依。愁倚蘆花裊，飢慙菰米肥。江寒天正濶，何
處得同歸。

高枕

高枕驚鳴雨，重衾妬曉風。巫山思不極，洛水夢
能通。曙色分明鏡，寒聲失斷鴻。自知愁底物，起



坐漫書空

南郊訪客

落葉隨幽步
煙疎野坵楓
迢迢經壠上
寂寞問
龐公高楚寒
藏鶻平川
瞑卧龍牽衣
仰明月清
嘯一尊同

賦塞上

遙聞青海外
萬里阻輪臺
白艸蕪天迴
黃雲接地來
馬肥沙雪散
鷗健虜弦開
千載傳胡語
猶驚飛將才

欲雪簡友生


驟寒成雪意
江郭晚雲稠
欲借謙公屐
同登賀
監舟煙迷沙
際鶴竹擁水
邊樓一醉能
高卧忘
懷何所求

雨中對客

坐雨誠無賴
狂心劇自嗔
煮魚邀勝客
掃石對
賢人風葉飄
垂暮煙苔暗
入春相看惟
酌酌世
態不堪論

探梅

衝寒移短屐
野坵獨探梅
細蓋迎風綴
疎花待
雪開閒思
依玉立醉擬
弄珠回及此
空延佇應



煩少女催

樓遲

樓遲竟何事到處澹忘歸詩合隨年老身應與
世違煙霞聊復爾花鳥未知非高岫如天上狂
來獨振衣

小霽

小霽快人意餘寒出暫將屐隨山逕遠鳥引石
林幽敗葉和煙積新泉雜雨流逢人談勝事薄
暮共夷猶

冬鶯


春回天欲暖近臘見黃鸝坐柙身難隱遷梅意
故遲祇憐看自異未訝出非時凍雀吾方厭好
音空爾思

容翁席上贈范脩竹二首

高行知名久清標識面初江聲喧座渺岫色映
簾疎萬里登龍屐十年附鳳裾風流人共仰斗
氣動寒墟

其二

元老稱知已重來喜益親懷恩殊國士抱義感
時人尊對黃花暮吟同綠野春客懷應易遣莫



厭酒杯頻

曠望

曠望寒偏肅城隅落木重江流來幾轉沙圻去
何窮月兮騫栖鳥霜清泣候蟲幽人空在念佳
會杳難從

謝俗

謝俗門常掩車塵一逕分坐能消白日愁豈失
青雲墜葉懸書帶寒星落劍文城中稀道侶何
處覓鷺群

夜夢

夜夢遊寥廓僊音自在聞孤飛應比鶴長往
如雲誤認三天榜驚拋五嶽文覺來塵榻上衣
袂尚清芬

友生夜過

故人相見晚共話復移時江月寒不出林風黑
更吹悲來燈覺暗興發酒嫌遲耳熱誇生計從
歌滿篋詩

湖上與客

同來湖上好孤閣俯清流擁鏡寒鷗下開圖暮
雨收峰巒明遠岫蘆葦折中洲欲去天垂暝重



期泛月遊

望後看月

望後看明月天晴亦勝常清輝分遠樹皓彩漏
踈篁掛漢還同鏡臨階宛若霜未嫌生較晚深
夜縱清狂

殘菊

九日開應後三冬色已殘雪欺香未絕霞妬影
尤单心擬同梅老身難與歲寒衰榮牽客恨爲
爾獨憑闌

憶舊業


業在滄流並門臨青嶼低每依桑梓地恰擬浣
花溪釣石身常穩鷗滿眼不迷竭來留短夢愁
絕雪峰西

有懷顧山人季狂

相逢憐宿昔白髮漫遊心殘歲思吳客中宵動
越吟夢迷湖月落歡隔海霞深鴻鴈寒應斷空
勞遲爾音

先長至二日喜雪二首

至日堪逢雪先看喜自濃花真驚六出瑞果慰
三農穰月光能似侵沙色故同狂懷全仗酒清



嘯舞雙龍

其二

天意如人意梅花亂雪花九冬饒澤國萬里集
天家瑤圃哀黃竹瓊樓憶翠華丹心空艸莽孤
望越江涯

訪友生留酌

病渴亦何爲從君乞數卮照人山雪盛似客野
梅遲歌闕雲停檻鱸生玉上匙頻來多雅意報
荅可無詩

至日山集二首


江城逢至日山榻漫傳觴景換人間短陽回天
上長松門圍翠色梅閣度寒香遙憶卿雲爛鶴
行舞未央

其二

佳節今朝是新晴往歲稀暖雲高斷雪陽氣近
迎暉簪笏情猶繫壘壘興不違越江春自逼即
爲報芳菲

雪晴容翁携壺山栖同脩竹


飛憶迴蘿磴晴臨萬井低雪埋峰半出竹壓逕
全迷絕澗聲傳玉層雲影抱霓壺傾歡未厭昏




白雲樓摘律


歲晚憶程梅屋王斗山中
王斗渺何許思君逼歲除
連宵曾見夢幾日更收書
江月窺尊淺庭梅倚石踈
眼中驚物候芳信轉林墟

黑重攀躋






國家圖書館, NATIONAL CENTRAL LIBRARY, TAIWAN, R.O.C




國家圖書館, NATIONAL CENTRAL LIBRARY, TAIWAN, R.O.C.




國家圖書館 NATIONAL CENTRAL LIBRARY, TAIWAN, R.O.C.



3462512 v4.



國家圖書館, NATIONAL CENTRAL LIBRARY, TAIWAN, R.O.C



白雲樓摘律目錄

天台玉室道人陳公綸次經父

五言律詩二

第五卷

楞全集上五十八首


第六卷

楞全集下五十八首


第七卷

紉蘭集五十七首

第八卷



國家圖書館, NATIONAL CENTRAL LIBRARY, TAIWAN, R.O.C.





白雲樓摘律

類詩乙集十三

天台玉室道人

樗全集

五言律詩五十八首

山居雜興十二首

寒日山樓迴城隅俯碧煙逢時憐桂隱觀物喜
樗全極海饒孤興名山契宿緣天涯虛錦字歸
鴈若為傳

其二


席門稀駐轍小迳近能蕪歷歲孤芳索經寒亂
木枯城雲心共遠海月夢同孤狂客重來問尊

白雲樓摘律目錄

天慵集六十八首

通計二伯四十一首

萬曆歲在丁丑杪秋真賞齋摘刻



醪不用沽

其三

無聊思往事終日倚虛闌昏靄圍層郭晴雷轉
急湍情深春醴盍愁減夜袍寒雅欲酬知己頻
將短劍看

其四

爭竦甘屏跡高嘯白雲深自好幽蘭佩誰披王
室襟違時翻楚調朝俗競吳吟不見同心久長
懸石壁琴

其五

舟楫停江渚栖栖歲欲徂林霜朝聚雀庭月夜
啼烏學古謀應拙干時術自迂平原誰復在問
訊及潛夫


其六

習靜門長閉何人問字來寒深餘古木春近散
新苔林磬因風斷江潮帶月迴有懷愁不寐中
夜亦登臺

其七

白眼能無意清狂每脫巾人閒雲共懶客至鶴
常嗔秉燭何嫌夜開尊已逼春百年歡自足誰

國家圖書館, NATIONAL CENTRAL LIBRARY, TAIWAN, ROC



復問風塵

其八

翠微深隱郭蘿木
結層陰迳曲妨頻入
峰危憚數尋孤松猶作棟
小雨不成霖世事那能料
重歌白石吟

其九

長卿遊未倦歸臥豈嫌貧
自詫狂殊甚誰嗔醉
太頻青猿馴作侶碧嶂近
成隣索笑高簷下梅花似玉人

其十


縈思迷處所旅鴈絕高天
晴岫明殘雪寒稍落
斷煙步遵苔迳滑坐向竹門偏
歲晚無餘事還應乞酒錢

其十一

雲林淹日月偃仰獨吟身
習懶非輕世遺榮敢傲人
蘭缸忘永夕梅閣試先春
却笑花源叟相逢說避秦

其十二

懷人依碧落望遠陟丹梯
野燒逢春沒江雲向晚低
壺傾猶有興詩就渾無題
不是多情况沉



酈媿阮祐

次谷黃內方在贈二首

空谷寡人跡相尋喜有君
孤標期鵠舉高興問鷗群
轉憶登樓日因思望海雲
終年蘿薜意莫遣北山文

其二

獨枕違塵坐偏驚躡屐過
經年逢水石終日對松蘿
天濶閒雲靜山寒落葉多
尊傾增感慨別後意如何

愁夜


事去心猶繫忘眠念有生
繁霜催古木孤月近寒城
何物人偏老無端鷄自鳴
終當携寶劍慷慨學長征

山中晚集

雅會皆蘭籍停杯暮色深
好懷能一醉真樂抵千金
月吟螢喧磴雲昏鶴在林
還將山水調珍重謝知音

醉貽邦叙甥

促膝何嫌晚芳醪復在傍
情因窮獨密愁向醉俱忘
江暝濤還壯山寒月自蒼
翻思天宇濶魚



意學陽狂

寒夜不寐三首

愁來不肯寐擁褐下松房鳥動穿林月蛩踞覆
石霜世喧宵暫息塵慮靜難忘明發期昏飲還
希阮籍狂

其二

偏憐寒夜永孤枕思無窮月落千家杵風高萬
里鴻子雲堪自老曼倩豈為容舊杖猶懸壁名
山夢寐通

其三


生計年來拙沈吟夜未央看山思短屐釣水夢
孤航遠火明南浦疎鍾出上方却憐司馬渴何
意復為郎

次黃九野遊雲山別業

背郭迷幽壑精廬對岫開霞光盤塢入林翠上
衣來久坐依脩竹閒吟和落梅杖頭寒色暝更
戀月中廻

醉呈夢霞丈

脫屣那能去滄江理釣叢徒勞思展轉相對慰
嗟蛇月白孤猿嘯林陰群鼠過尊壘長在目莫



計病愁多

戲問松陽徐生所在

漫遊嗟楚服相對意悠然有命還談命無錢且
資錢名高人共識身困我偏憐歲暮長途隔哀
吟何處邊

獨夜

獨夜空山閔齋居絕畫紛池波寒動月林影靜
生雲竹葉尊前畫梅花笛裏聞同遊近零落誰
復共彈文

夜深待月聞笛


寒月何難至憑闌故二更忽從雲裏度漸向夜
中生萬戶斜流彩孤亭僻姒明遙知橫笛弄偏
重玉關情

客至

客至下塵榻清談及遠遊看雲還倚杖冒雨復
登樓抗俗常稱病開尊不說愁眼中憎落木西
去萬峰稠

容翁席上醉呈

虛席能無媿憐才獨有公擊壺重感驥說劍復
登龍霜壁高街日風湍遠帶空壯懷猶未已慷



慨仰前蹤

閒居

閒居足自適幽步已忘言
落葉驚山鼠懸蘿下
谷猿掇芳春欲盜臥石晝無喧
小徑從人入休將以蔣園

西郊

西郊一縱目寒氣肅長天山
郭斜臨水人家近
傍船懸厓梅點雪隔渚荻迷煙
不見驚鴻影行歌落日邊

偶述


媿後高人跡超然念遠遊
自知非燕領那復問
龍頭五嶽高堪陟三神遠
可求如何方寸內汗漫隘神州

邦真甥延酌

咄咄竟何事邀歡復解醒
祗慚麋鹿性長洽蕙
蘭情城岫明寒晝江霞絢
晚晴清狂吾不厭勿遣玉壺傾

睡覺

睡覺驚長漏宵寒不放明
何來風葉吹未送曙
鷄聲欲就丹丘約先愁
白髮生還應叩玄侶真



錄幾時成

睡覺聞韋菴枉過却寄

向夕夢初覺聞君過艸堂憂深常欲寐意失渾
如狂懸榻虹留影虛檐斗背光多情如復至共
嘯白雲岡

韋菴載殺山柶

頻碩情偏重何煩復載殺行杯城日墮倚檻岫
雲高幽砌翻風葉寒江響暮濤靈均如可問為
我誦離騷

戲問韋菴夜曠


昏黑尋歸迓層煙失遠岑歷危方戒足投暗忽
驚心阮籍何妨嘯江淹不廢吟重来發奇勝莫
憚阻幽深

重招夢霞韋菴

瀝酒長林底招邀意自真閒居偏愛客遐睡正
愁人寒旭分青嶂晴煙渺白蘋深知惟二仲陟
迓莫嫌頻

徐生過酌小亭重贈

海國猶飄泊看山過小亭鴻雁非有意龜曳豈
無靈醉臥梅間月狂拋袖裏星逢人漫饒舌骭



TIFFEN Color Control Patches © The Tiffen Company, 2007



麟說青萍

諸丈重集中

潦倒知猶昨青山復過從林陰垂地寂江影入
樓重舊雨追歡數新槽得酒濃醉來歌裂石爭
恠氣為虹

寓感二首

對酒忽不飲低回獨愴神雲昏江易暝霜重樹
難春迳艸縈妨最巖猿點侮人眼中徒齷齪何
處避風塵

其二


年華驚易改物態總關心雨霰不成雪梅開故
作林逢人猶按劍對客且囊琴山水空餘思相
看只浩吟

局促

局促非吾事登臨數散愁霜空寒逗郭霞壁淨
依櫻林茂同盤谷書笈以鄴侯孤芳能解意為
爾亦淹留

山中招少萊丈

恠爾白眉客經旬不在門風前驚鵲起雪後厭
蠅喧始霽宜吟殺餘寒仗酒尊清江高可睡春



思滿芳蓀

遙贈少洲丈

子晉本僊史人間暫謫過那知黃竹調曾向白
雲歌鸞鶴今安在滄桑近若何吹笙猶故態維
嶺月明多

携酒夜訪少洲

提壺何所適南郊夜尋君世事那堪問僊歌不
易聞空江風吼汝遠島鴈迷雲莫解相如渴猶
能喻蜀文

重贈容翁尚書

綠野常虛左頻過戀老成養神真得道習靜即
長生文圃先新識僊家重舊盟定來青鳥使好
共泛蓬瀛

索居

索居感疇昔偃仰在心知脉脉停雲望蕭蕭舊
雨思梅花看未老竹葉恨應遲為問高陽伴狂
歌復幾時

聞鴈

訝爾江湖侶天寒影暫分飛高驚逆旅聲急念
同群忽向空中落那從雨裏聞予懷渺何許愁

